

WANTOK

Niuspepa bilong Papua Niugini stret

- 25 yia nau

44 pes

Namba 1096

Wik i stat long Fonde, Jun 29, 1995

50 toea


Palamen pinisim provinsal gavman




□ B. Philemon.



□ Sir J. Kaputin.



□ J. Momis.




□ Sir P. Lus.


LONG Tunde, Jun 27, samting olsem 22 minit i go bungim 5 klok long apinin, taim Palamen i tokorait long bil bilong kamapim senis long Provinsal Gavman Sistem insait long Mama Lo na bil bilong kamapim Provinsal Gavman na Lokol Level Gavman Sistem, Prais Minista, Sir Julius Chan i smail na lukluk long Oposisen Lida, Paias Wingti. Na Sir Julius i soim pinga long Mista Wingti.

Prais Minista Chan i mekim dispela samting long soim amamas bilong em long sapot Oposisen i givim long em na Palamen i go het na tokorait long dispela tupela bil.


Palamen i bung long Tunde, Jun 27 long 10 klok long moning. Long samting olsem 15-pela minit i lusim 10 klok, Spika Rabbie Namaliu i go insait long Semba



□ J. Nalau.



□ Sir Michael.



□ B. Narakobi.

ELIZABETH LENY na GODFRIED YASSAFAR i raitim

na kisim sia bilong em. Long dispela taim, 5-pela memba tasol i stap insait long semba.

Spika Namaliu wet i go nogat na ajenim bung i go inap belo i ring.

Long samting olsem 10-pela minit i lusim 11 klok, belo bilong semba i ring gen.

Na long 15 minit i lusim 11 klok, lapun

bilong Palamen, Sir Pita Lus i go insait na sindaun long sia bilong em. Bihain long 4-pela minit, Spika Namaliu i go insait na kisim sia.

Taim Spika Namaliu i go insait na kisim sia, Sir Pita i sanap na askim Spika Namaliu long ajenim Palamen i go long tupela mun bihain.

Tasol Spika Namaliu i tokim em (Sir Pita)


olsem em (Spika) i ajenim Palamen i go long 2 klok long apinun.

Long 2 klok long apinun taim kibung i kamap, namba tu lida bilong gavman bisnis na Minista Bilong Trensport, Andrew Baiang i muvim mosen i nogat toksave long saspending ol arapela oda bilong kibung.

IGO LONG PES 3



● Em las taim bihain long 20 yia long kain samting olsem i kamap long Palamen Haus. Michael Hifagru bilong Is Sepik, husat i skul long Yunivesiti bilong Papua Niugini i rausim provinsal flag bilong em wantaim wari tingting long pes. Dispela em bihain long Palamen i vot long p;inisim provinsal gavman sistem insait long kantri long dispela wik Tunde. *Poto: Ivan Bayagau.*



BUKA, NSP:

Plis long Buka i mekim wok painim aut nau long dai bilong wanpela manki Sorom insait long not wes bikples Bogenvil distrik long las wiken.

Long ripot bilong ol Buka plis, manki ya i dai bihainim yet pait namel long sampela yangpela manki long not wes na ol sekyuriti fos memba. Em bihain long wanpela danis we ol bin holim long ples Sorom las Fraide.

Ol no tokaut yet long nem bilong dai manki tasol ol ripot i tok ol bin painim bodi bilong dai manki klostu long nambis, longwe long ples ol bin holim danis long em.

MILEN BE:

Milen Be provins nau i bungim hevi long wok bilong ol kriminel lain.

Long las wik Fraide, sampela lain i bin go insait long haus bilong Provinsal Plis Komanda Joseph Morehari na stilim ol samting bilong em na famili. Famili bilong Mista Morehari i slip dai i stap na ol ino harim stilman i kam insait. Long nau, Mista Morehari i stap long kos long Japan.

Eking PPC, Huitona Tohua long dispela wik i tok stilman ya ibin rausim foapela glas windo na go insait long haus.

Em bin stilim sampela klos na bipo long em i lusim haus, em i pispisim hap bilong famili long kaikai long em.

• Ol stilman ibin go insait long Golden Alek stoa long taun long las Fraide na stilim ol samting.

Plis ino painim yet husat i brukim stoa na stil.

WESTEN HAILANS:

Plis long Westen Hailans i sambai i stap bikos ol i ekspektim trabel long kamap sapos lo bilong senisim provinsal gavman sistem i go het long dispela wik.

PPC long Westen Hailans John Wakon i tok em i harim ol tokwin olsem bagarap bai i kamap long taun na provins. Olsem na em i gat 400 plis i stap long sten bai nau.

WEWAK, IS SEPIK:

Plis long Wewak i askim srong ol lain husat i bagarapim ol lait long Boram ples balus long givim ol yet long plis long dispela wik tasol. PPC long Wewak Giosi Labi i tokaut long dspela samting.

Em i tokaut long dispela samting bihain long ol lain nogut i bagarapim eitpela lait long ranwe bilong Boram epot.

Plis na komyuniti ibin holim wanpela bung bilong toktok long dispela samting long las wik.

Haiveta tok ol provins bai kisim edministresen mani tasol

ELIZABETH LENY i raitim

DEPUTI Praim Minista na Minista bilong Fainens na Plening, Chris Haiveta i tok long palamen las wik olsem nau long dispela taim gavman i no save givim man nating long ol projek i wok long kamap. Tasol ol i save givim mani taim gavman i gat mani. Na i no olsem long taim we ol i save makim hamas mani long givim na ol i save givim stret.

Mista Haiveta i tok long dispela yia gavman i no bin givim mani long ol projek inap long mun Mas taim ol i bin lukluk na paitim toktok long baset. Em i tok long Novemba las yia ol i bin makim wanpela lo ol i kolim saplai bil. Dispela lo i tok gav-

man bai givim mani long sait bilong gavman edministresen tasol insait long ol provins. Em i tok em i tripela mun tasol i go pinis taim ol i bin mekim baset. Na gavman i wok long lukluk yet long ol wok na projek.

Mista Haiveta i mekim dispela toktok bihainim askim bilong Memba bilong Raikos, Samuel Pariwa long wanem taim bai gavman i givim mani long olgeta provins aninit long baset bilong dispela yia.

Mista Haiveta i tok olgeta memba i mas save olsem bipo gavman i save givim olgeta mani long mekim ol projek. Na tu gavman i save mekim planti kontak we i save kamapim planti dinau. Bihainim dispela, olgeta mani i save go long dinau tasol. Olsem na em i tok kantri i sot long

mani. Em i tok ol memba i mas save olsem taim gavman i nogat mani, em i min olsem i nogat mani.

Em i tok tu olsem i gat sampela strongpela lo o rot bilong baset bilong dispela yia. Bikos i gat sampela projek ol arapela kantri i save givim mani long mekim ol go het. Na taim mani bilong dispela ol projek i kam, mani ino ken kam aninit long baset. Mani mas go stret long dispela ol projek. Em i tok baset bilong dispela yia i wok long bihainim dispela ol rot na lo.

Bihainim dispela, Mista Haiveta i tok em i bai raitim wanpela ripot long we kantri i wok long ron long sait bilong mani. Na tu em bai raitim wanpela ripot long straksarel adjasmen progrem olsem bilong rausim ol provinsal gavman.

Jaminan askim long mani ripot

MEMBA bilong Yangoru Sausia, John Jaminan i tok las wik long Palamen olsem ol mani ripot em ol minista na memba i save autim long Palamen i mas kamap bihain long wanpela yia. Na i no bihain long 5 o 10-pela yia.

Mista Jaminan i tok dispela bai helpim ol long luksave long wanem samting i wok long kamap long dispela taim yet. Na ol i ken go het long ronim gut wok bilong ol institusens. Na tu long stretim ol hevi i wok long kamap long dispela taim yet. Na i noken larim i go long taim. Bikos long dispela we planti hevi i save kamap. Na gavman i save hatwok long painim tingting na paitim toktok long stretim dispela ol hevi.

Mista Jaminan i mekim dispela toktok bihainim ripot bilong Rijonal Memba bilong Sandaun na Vais Fainens Minista, John Tekwei. Mista Tekwei i bin givim tupela ripot; wanpela long wok bilong Rurel Dvelopmen Benk, em bipo ol i save kolim Agrikalsa Benk. Na narapela long Pablik Opisas Suparunuesen Fan (POSF). Dispela tupela ripot i karamapim yia 1988 i go inap inap long 1992.

Dispela ripot Mista Jaminan i tok em i wanpela gutpela piksa bilong wanem samting em i wok long toktok.



Goroka tu gat wankain hevi olsem Mosbi • Wankain hevi we i save kamap long Mosbi em Goroka tu i gat taim ol atoriti i no lukautim gut ol wara paip. Wara save go o kam aut long laik olsem poto i soim. Bikpela wara paip i bruk long Genoka setelmen. Na ol pikinini long hap i kamap na waswas i stap. Ol i lukim olsem dispela em i gutpela sans bilong amamasim ol yet. Poto: Sape Metta.

Narakobi tok mas gat senis long wok bilong ol insurens kampani

MEMBA bilong Wewak na Minista bilong Agrikalsa na Laipstok, Bernard Narakobi i tok insait long ol 13 insurens kampani insait long kantri, i gat tupela tasol we ol Papua Niugini manmeri yet i ronim.

Na olgeta i bilong ol arapela kantri. Em i tok dispela em i wanpela bikpela bisnis bilong givim planti sevis. Na planti ol pipel i no save long wok bilong ol. Na i no bin lukluk long kirapim dispela ol kain bisnis.

Mista Narakobi i mekim dispela toktok bihainim ripot bilong insurens komisina na ripot bilong siaman bilong moto viekel insurens kampani. Deputi Praim Minista na Minista blong Fainens na Plening, Chris Haiveta i bin givim dispela ripot.

Mista Narakobi i tok olsem dispela ol ripot i no karamapim olgeta yia. Long wanem i nogat rekot bilong mani bilong yia 1991, 1992, 1993, na 1994. Em i tok ol i noken go het na mekim ripot nating. Tasol em i tok ating dispela ol mani em ol mani we i nogat rekot. Ol i kolim dispela ol mani "invisibles".

Em i tok tu olsem dispela ol insurens kampani i gat polisi bilong karamapim ol memba husat i save baim insurens na 4-pela pikinini bilong ol tasol. Mista Narakobi i tok dispela i no stret. Bikos sampela memba i gat moa long 4-pela pikinini.

Em i tok minista husat i save lukautim dispela ol insurens kampani i mas lukluk long dispela.

Mista Narakobi i tok olsem planti bilong dispela ol insurens kampani i no bilong dispela kantri stret. Dispela em i wanpela rot we mani i save go aut long kantri. Bihainim dispela em i tok Mista Haiveta i mas luksave long dispela ol mani i wok long lusim kantri no go aut.

Bihainim dispela, Mista Narakobi i tok tu olsem planti memba i save wet longpela taim stret taim ol i save kam long kisim insurens mani bilong ol. Em i tok insurens komisina i mas makim rait na maus bilong olgeta manmeri husat i laik kisim insurens mani bilong ol. Bihainim dispela em i tok ol lain olsem ol fama insait long kantri i nogat insurens skim bilong ol. Em i tok ol i mas gat insurens i karamapim ol tu long taim olsem hai wara na maunten paia i pairap. Bikos dispela i ken helpim ol fama long taim ol prais bilong ol samting i go daun.

Mista Narakobi i tok nau long dispela taim i nogat dispela kain samting. Na em i tok komisina i mas lukluk long dispela.

Bihainim ripot bilong moto viekel insurens, Mista Narakobi i tok taim i gat birua long ka na man indai, insurens kampani mas baim insurens hariap.

All departments Phone: 25-2500 Fax: 25-2579
WANTOK
Published Weekly, Thursdays, for
Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd. General Manager and Company Secretary: Ian Fry Group Editor in Chief: Anna Solomon Editor of Wantok: Leo Wafiwa Acting Advertising Manager: Anthony Lilou

Regional office: Suite Haus Tisa, Second Street Lae, P.O. Box 1726, Lae, Morobe Province Phone/Fax 42-0618 Phone: 42-1562 District Manager: Alphonse Pu Papers distributed by air throughout PNG. Available by airmail subscription within Papua New Guinea and overseas. Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust. Sydney, James Tokin, (043) 85 1746 Melbourne, Glen Smith, (03) 807 2311

Advertising deadlines Display bookings: Monday, midday Camera ready copy: Tuesday, midday Classified advertising: Wednesday 2 pm

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it seems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Sandaun pipel bai rausim PPP na PDM: Aloitch

PALAMEN i tokorait pinis long senisim Ogenik Lo bilong Provinsal Gavman Sistem long Mama Lo bilong kantri. Na pinisim provinsal gavman na kamapim Provinsal Gavman na Lokol Levol Gavman sistem insait long kantri.

Planti pipel insait long ol provins, i no amamas na wanbel. Bikpela tru em ol provinsal politisen.

Bihainim dispela disisen bilong Palamen, planti hevi, asua na kibek bai kamap. Long sampela eria, ol pipel bai bagarapim ol gavman sevis olsem rot, bris, skul na gavman opis.

Wankain tasol, ol pipel

bilong Sandaun Provins (Wes Sepik), bai gat we na rot bilong ol yet long soim nesene gavman olsem ol i no amamas long dispela disisen. Tasol rot ol pipel bilong Sandaun Provins bai bihainim, bai no inap kamapim bagarap long ol gavman sevis na samting. Nogat.

Primia bilong Sandaun, Peien Aloitch i tokaut olsem ol pipel bilong em i no inap kamapim bagarap long ol sevis na samting bilong gavman.

Tasol Mista Aloitch i tokaut olsem em wantaim pipel bilong em bai rausim sapot na pinisim tupela politikel pati insait long Sandaun Provins.

Dispela tupela politikel pati, Mista Aloitch i tokaut em pati bilong Praim Minista, Sir Julius Chan-Pipels Progres Pati (PPP) na pati bilong Oposisen Lida Paias Wingti-Pipels Demokratik Muvmen (PDM).

Mista Aloitch wantaim 4-pela arapela memba bilong Sandaun Provinsal Asembli tokaut long dispela tingting bilong ol long aste Trinde, Jun 28, long Mosbi.

Ol i tokaut long Wantok Niuspepa olsem stat long nau i go inap long 1997 nesene ileksen, PPP na PDM bai no inap kisim sapot i kam long ol pipel bilong Sandaun. Bikos PPP na PDM i no kisim na luk-save long tingting bilong ol

Sandaun pipel pastaim long tupela i bung wantaim. Na pulim sapot insait long Palamen long tokorait long bilong senisim provinsal gavman sistem insait long kantri.

"Nau olsem primia bilong Sandaun na tu wanpela pati memba bilong PPP, mi ken tokaut olsem ol pipel long Sandaun bai no inap moa long sapotim PPP na PDM. Bikos dispela tupela pati pinisim sistem bilong provinsal gavman," Mista Aloitch i tok.

Wantok i bin i no inap long kisim toktok bilong hetman bilong PPP, Praim Minista Chan na hetman bilong PDM Mista Wingti.

Salim tripela balus. Wanpela Islander balus i gat tupela ensin karim 9-pela pasindia na kago. Wanpela P68 Victor Balus i gat tupela ensin na karim 5-pela pasindia na kago, dispela em gutpela olsem sevelens balus, em i gat spes na i ken kisim ol biksa long graun, na sip. Wanpela Cessna 206 balus i gat wanpela ensin, na karim 5-pela pasindia na kago. Salim tripela olgeta, or salim wan wan. Sapos yu laik baim airline charter kampani olsem na ken salim long ol PNG man. Sapos yu laik, salim pas long PO Box 4946 Boroko NCD 111, or fax 23 0405.

Sir Michael tok bil bilong provinsal Gavman Rifom i no stret

ELIZABETH LENY i raitim

BIPO long dispela bil bilong kamapim Provinsal Gavman na Lokol Level Gavman Sistem, i bin gat planti tok-tok long mekim senis long sampela samting long dispela nupela sistem.

Dispela ol lain husat i laikim dispela ol senis long kamap i bin salim dispela ol senis i go long Konstitusinel Rivyu Komiti.

Tasol dispela komiti insait long wanpela pres konfrens bilong ol i tok ol i no inap lukluk long dispela ol senis inap bil i kamap lo.

Bihainim dispela, Rijonal Memba bilong Is Sepik, Sir Michael Somare i tok dispela i no stret. Em i tok i nogat wanpela we bilong mekim senis long wanpela bil bilong palamen bihain long em i kamap lo.

Em i tok sapos ol i laik mekim senis, dispela ol senis wantaim bil i mas kamap lo pastaim. Em i tok tu olsem i luk olsem dispela nupela sis-

tem i gat planti samting i no stret insait long em. Olsem na em i tok gavman i sapos long givim inap taim long lukluk gut long dispela nupela senis.

Mista Somare i no amamas tu long palamen i no bin paitim toktok na painim tingting long ripot bilong plamentri komiti bilong jastis. Planti tok-tok insait long dispela palamentri komiti ripot i bin egensim senis long kamap.

Mista Somare i tok sapos ol i no laik long paitim toktok na painim tingting long dispela ripot, em i min olsem ol i nogat bilip long dispela palamentri komiti.

Dispela em i tok i no stret long wanem dispela komiti em i wanpela bai patisen komiti. Na tu em i tok wanem as tru ol minista i bin kisim notis long vot long dispela bil.

Em i tok long lukluk bilong em, dispela senis i bin kamap i no bilong olgeta, tasol bilong gavman tasol.

1995 Goroka So bai amamasim 20 yia bilong indipendens

ISTEN Hailans bai holim gen bikpela bung bilong olgeta yia, 1995 Goroka So long Indipendens Wiken long Septemba.

Bikpela astringting bilong holim gen dispela so em long mekim ol pipel bilong provins na hailans rijon i amamasim 20 krismas na indipendens bilong kantri. PNG i bin kisim indipendens long Septemba 16, 1975 long han bilong Australia gavman. So kodineta Sailas Atopare i tok so bilong dispela yia bai moa gutpela. Bikos singsing grup bilong 19 provins long kantri bai kamap. Na soim tumbuna danis na bilas bilong ol.

So bai stap long tripela de olgeta. Na 60 singsing grup olgeta bai kamap. Nau yet 34 singsing grup i givim nem pinis. Na narapela 26 i no givim nem yet. Isten Hailans So Sosaiti i salim 50 stol long so graun. Prais bilong wanpela stol em K300. Ol bisnis grup na wanwan manmeri laik baim stol i ken lukim opis bilong so sosaiti.

So komiti i laik askim tu ol fama bilong provins long stap insait long so, na soim ol kaikai olsave planim. Ol fama i mas lukim Ekesu Margu long DPI opis sapos ol i laik save moa long dispela.

Palamen pinisim provinsal gavmen

I KAM LONG PES 1

Na bring oda namba 319 (bil bilong senisim provinsal gavman sistem) na 320 (bil bilong kamapim Provinsal Gavman na Lokol Levol Gavman Sistem) i kam paslain long Palamen i ken paitim toktok. Bihain long Praim Minista Chan i wokim namba tri riting na ol memba bilong Palamen i paitim toktok long tupela bil wantaim.

Bihainim dispela, olsem memba olsem Sir Michael Somare, Roy Yaki, Masket langalio na Jerry Nalau i tok-

tok egensim dispela tupela bil. Long toktok bilong ol, olgeta wantaim i askim Sir Julius long holim bek bil. Na stretim ol samting na bihain putim kamap gen long Palamen.

Ol i toktok na askim tu sapos gavman i gat mani long karim aut ol wok i kam aninit long nupela sistem. Insait long dispela ol toktok Memba bilong Maprik, Sir Pita Lus i givim toktok bilong em egensim dispela senis long kamap. Em i tok gavman bai kisim taim long wanem i nogat mani

long wokim dispela senis long kamap. Memba bilong Wewak riginol na Lapun papa bilong konstitusen, Sir Michael Somare bihainim Sir Pita i tok dispela senis i no inap givim pawa long ol pipel bilong ples. Em i tok tu egensim Sir Julius Chan long larim ol senis ol pipel i laikim insait long dispela senis long go wantaim dispela bil. Em i tok i nogat wanpela we ol i ken mekim bil i kamap lo na bihain putim dispela ol senis i go insait.

Em i tok bil wantaim ol senis i mas kamap lo long sem taim.

Minista bilong Leba na Emplomen, Jerry Nalau long sapotim dispela ol toktok i tok yes emi ken go kamap gavana long dispela niupela senis. Tasol em i tok em i no ting bai ol pipel bilong em i hamamas long dispela.

Memba bilong Yalibu Pangia Roy Yaki bihainim dispela ol toktok i bin givim tingting bilong em long dispela senis. Em i tok sapos senis i kamap, gavman i mas lukluk long givim wok long ol stretpela man na man husait i nap long wokim wok.

ASKIM LOKOL STUA BILONG YU

- Strongpela sop bilong klinim ol samting
- Bilong wasim ol klos, wok bilong haus kuk na tu ol arapela wok na samting



Wanpela sop tasol we yu ken yusim long solwara !!

- Gutpela na strongpela na i ken stap longpela talm.
- Isl long yu ken kisim

Distributed by **CBChee** LAE: 42 1333 HAGEN: 52 1579
Bilong Holsel Seving



TU MINIT TINGTING

LONG Matyu 7: 24 Jisas i tok stori long ol pipel olsem: "Man i harim tok bilong mi na i bihainim, em i olsem man i gat gutpela save na i wokim haus bilong em antap long ples ston." Hia Jisas i tok klia olsem: yumi mas putim yau na harim tok. Tasol moa yet, yumi mas bihainim tok. Harim tasol em i no inap.

Harim tok wantu, em i bikpela lo bilong ami. Long taim ol i tren, sampela taim ol i kisim oda i kran-ki - tasol maski, ol i mas bihainim. Maski soldia i no save long as bilong wanpela oda, em i mas bihainim tasol. Em i lo bilong ami, em i lo bilong sevim laip bilong man long taim bilong pait.


Nau mi givim wanpela eksampel i kam long nevi. Wanpela sip i wok long pulim narapela wantaim strongpela baklain ain. Nau wanpela driapela si i litimaim namba tu sip ya. Kepten i lukim na i singaut strong moa long ol sela: "DAUN!" Orait, ol i pundaun wantu long plua bilong sip. Dispela baklain

ain i bruk tuhap na maus bilong waia i sut stret long ol sela. Sapos ol i no bin bihainim oda na pundaun long plua, baklain ain ya em inap katim ol tuhap.

Long olgeta de bilong laip bilong yumi, yumi mas bihainim tok bilong hetman, o papamama, o lida, o dokta, ol kosa, o tisa. Blilong wanem na yumi mas bihainim tok bilong ol? Bikos oda bilong ol i tok save oslem long yumi: "Mipela i laik helpim yu na stiaim yu na mekim yu i kamap mobeta.

Tasol, sore, planti taim i gat sampela bikhetman na meri i no laik.

Ol i laik bihainim laik bilong ol tasol. Oke. Em i samting bilong ol - tasol, olsem Jisas i tok long stori, ol i wok long sanapim haus bilong ol long antap long wesin. Bai em i pundaun. Ol i olsem wanpela manki bikhet i



FRANK MIHALIC i raitim

na tok stia bilong en. Sapos yu laik bai redio o kaset o ka o moto i wok gut, yu mas bihainim lo bilong en. Sapos yumi laik hepi na sindaun gut, yumi mas bihainim 10-pela tok stia God i i bin givim long yumi.

Pasin bilong bihainim tok i gat wanpela as tasol: em i long mekim yumi na olgeta samting i ron gut. Sapos yumi bilipim dispela, orait, bai yumi no inap sakim kwiktai lo.

Harim! Long stori bilong Olpela Testamen planti samting nogut i bin kamap bikos ol pipel i bin sakim tok bilong God. Yu ting tasol long Adam na lv; yu ting long bikpela haiwara; yu ting long tawa bilong ples Babel we God i bagarapim ol manmeri long ol kain kain tok ples.

Orait, nau Jisas i kam daun long graun bilong stretim bek ol dispela

poasin bikhet bilong ol manmeri. Na namba wan tok i stap long maus bilong em, em i dispela: "God Papa, mi bin kam bilong bihainim tok bilong yu tasol." (Hibru 10:7).

Tude planti Kristen i gat tok long mekim sakrifais. Tasol God i bin tok olsem long 1 Sam. 15:22 - "Pasin bilong bihainim tok, em i winim olgeta sakrifais." Watpo God i tok oslem? Bikos em i save pinis: planti taim pasin bilong harim tok em i wanpela bikpela sakrifais tru.

I gat wanpela sot kat bilong mekim pasin bilong bihainim tok i swit long yumi: em i bikpela laik tasol. Harim! Sapos yu lewa bilong mi, mi laik bihainim tok bilong yu. Nau em i isi tru. Em nau, so kat.

Kain man/meri ya i wokim haus bilong em antap long ples ston. Bai em i stap inap longpela taim tru.

Pasin bilong bihainim tok

storg long holim wanpela save-man i lukim na i tok save long mama bilong boi olsem: "Larim em. Bai em i kisim save kwiktai."

Sore. Olgeta samting yumi save yusim long olgeta de i gat tok save

Vanimo bai lukautim kibung bilong ol Momase Katolik mama long Ogas

Sen Philip pestode amamas kamap long Osol

STAN RANGA i raitim

MOMASE Rijonal kibung bilong ol meri bai kamap long mun Ogas, 1995. Dispela tokaut i kam aut pinis long maus bilong Katolik Wimens Federesen bilong Vanimo Daiosis insait long Sandaun provins. Wanpela kibung

bilong ol hetmeri bilong wanwan Katolik grup long Vanimo i bin tokaut, na tokorait long dispela long mun Me.

Presiden bilong Vanimo Katolik Wimens Federesen, Patricia Wunum i tok ol i bin tokorait long lukautim dispela kibung long Vanimo. Dispela tokorait i bin kamap long kibung bilong Momase Wimens Federesen

long las yia. Misis Wunum i amamas long dispela tokorait. Na i tok olsem ol Katolik mama long Vanimo i amamas tasol long bungim olgeta meri long dispela Ogas kibung.

Dispela kibung bai bringim na toktok long kainkain wok, hevi na wari long wok bilong ol mama i go long luksave

bilong gavman. Vanimo Wimens Federesen bai paitim na tilim toktok wantaim ol arapela meri long dispela tingting bilong Sandaun Provinsal na Nesenel Gavman long Vanimo Jayapura rot.

Ol meri i no amamas long gavman i mekim dispela rot. Bikos em bai bringim moa hevi insait long ol famili na ples long provins, sapot gavman i go het wan-

taim dispela tingting. Presiden na maus-meri bilong ol meri long wok bilong human raits, Misis Marianne Bauai bai go pas long toktok gen long dispela samting.

Nau yet ol Katolik meri long Vanimo i wok long mekim ol wk rere bilong painim mani long lukautim dispela bikpela kibung.

Ol meri i holim wan-

pela ileksen tu long makim mausmeri bilong ol long toktok long dispela kibung. Ok i bin makim Emelda Leki olsem siameri. Na Marianne Bauai olsem namba tu bilong Misis Leki.

Moa long 500 Katolik meri long 4-pela Momase provins olsem Morobe, Madang, Is Sepik na Sandaun bai kamap long dispela kibung.

OL pipel bilong Osol Komyuniti skul long Vanimo i bin amamasim Sen Philip Pestode long Trinde Me 3, 1995.

Osol Komyuniti skul em i wanpela misin ejensi skul bilong Vanimo Katolik Asdaiosis long Sandaun provins.

Sen Philip i bin wasman o petron na was santu bilong Osol Komyuniti skul.

Amamas i bin stat wantaim wanpela Santu Misa em Pater Aidan Kay i bin go pas long en. Insait long dispela lotu, Pater Aidan i bap-taisim tu sampela pikinini.

Ol spot olsem volibal, ska na resis em sampela samting we i bin kamap long dispela amamas bung.

Bod ov menesmen bilong skul i bin go pas long rererim ol dispela spot. Na planti papamama i bin kamap wantaim ol yangpela manmeri na pikinini.

Selebresen i ron gut tru. Na ol i pinisim wantaim wanpela bung kaikai long apinun.

Yapsi mama grup long Sandaun i kamap

OL Katolik mama insait long Yapsi eria bilong Sandaun provins i kamapim pinis wanpela grup bilong ol. Astingting bilong ol em long bungim ol mama long ol wok kamap na sevis bai mama grup i mekim kamap insait long Yapsie eria bilong helpim sindaun bilong ol mama.

Namba wan kibung bilong ol i bin kamap long Trinde Me 3, 1995. Ekting kodineta bilong ol Katolik mama long Yapsi, Steven Walex i tok welkam long 35 mama, husat i kamap long dispela namba wan kibung bilong ol.

Mista Walex i go het na tokaut long wanem astingting bilong dispela kain kibung. Na ol kain wok ol mama i mas mekim long stap olsem wanpela kristen mama insait long famili. "Mama mas lukautim haus, wasim, klinim, brukim, ekim haus i klinin na oles bilong amamas bilong famili. Wanpela bikpela wok mama i mas mekim oltaim em long lainim pikinini long pre, lotu, na ol laip na pasin bilong Jisas. Dispela em long stap kristen famili."

Tripela mama grup bilong Stesin, Iborio na Hauskona i salim mama bilong ol tu i kam long dispela kibung.

Insait long bung, ol mama i lainim tu long kukim gutpela kaikai, rit na rait, lukautim bodi, na lainim ol kainkain wok marimari bilong helpim ol arapela long komyuniti.

Namba tu kibung bilong ol i bin kamap long Fraide Me 26, 1995. Na 33 mama i kamap na ripot long wanem kain wok ol i bin mekim, bihain long namba wan kibung.

OL KISIM NAMBA WAN HELPIM - PES 7

Ol nupela Luteran RI kodineta bai kirapim ol grasrut long Kristen Skul

EITPELA (8) yangpela man bilong Goroka Distrik bilong Luteran Sios bilong Papua Niugini (ELCPNG) i bin pinisim sampela kos bilong kamap seket RI kodineta.

Ol i bin mekim gutpela wok na kisim setifiket.

Wolfgang Goldberg, RI Kodineta bilong ELCPNG long Goroka distrik i bin skulim ol.

Bihain long kos, ol i bin go aut long wanwan seket bilong ol na helpim papamama, kongrigesen na gavman komyuniti skul long kirapim kristen edukesen.

Ol bai soim rot long papamama long skuilim ol pikinini gut long tok bilong God olsem wanem. Na tu ol bai holim kos long ol Sande Skul long RI tisa.



• Ol nupela Luteran seket RI kodineta. Ol lain husat i sanap long baksait long lephan i go long raitem Bonny Mitlonec, Arex Karapi, Samson Neo, Jackson Korave, Jersy Nimi na Viti Tamagi. Long fran em Saimon Kia na John Hohe. Foto na stori: Wolfgang Goldberg.

Ol i kisim save pinis long kirapim pikinini olsem wanem long hatim tok bilong God. Olsem na ol i save long wokim papet na pilai wantaim em, autim Baibel stori wantaim piksa na mekim kain kain wok wanaim han long rot ol pikinini i

laikim. Na tu ol bai helpim kongrigesen o skul long mekim wok Sande Skul o Rilises Instraksen. Ol dispela nupela RI kodineta i bin stap insait long seket bilong ol longpela taim. Olsem na ol i save wok

long tokples. Na tu long pasin bilong wanwan eria bilong ol. Dispela save bai helpim ol long klia long ol hevi na nid bilong dispela wok na poroman gut wantaim ol grasrut bilong kirapim wok Kristen Edukesen.



Askim go long PNGCC wokbung wantaim gavman long ol hevi bilong lo na oda

STRONGPELA toktok i go long ol lida bilong Papua Niugini Kaunsil bilong ol Sios long wokbung wantaim gavman na ol arapela atoriti long daunim hevi bilong lo na oda long kantri.

Dairekta long Faundesen bilong Lo, Oda na Jastis, Ken Egan i tokaut long dispela samting insait long wanpela de bung we hetman bilong ol kristen sios i bin holim long Fonde las wik.

Mista Egan i tokim bung olsem stat long taim PNG i kisim independens long 20 yia i go pinis, gavman na ol atoriti i no kamapim gupela na strongpela rot long daunim lo na oda hevi. Em i tok sapos tasol taim ol hevi i go bikpela em gavman na ol atoriti i bosim dispela eria i save kamap wantaim sampela rot. Na dispela ol rot olsem kefiu o putim taim tambu, lo bilong kilim dai trabelman na ol arapela moa we gavman i save putim i no mekim tumas samting long daunim ol hevi bilong lo na oda long kantri, Mista Egan i tok.

Em i tokim bung olsem long 1993, Wingti/Chan gavman i bin kirapim long namba wan taim wanpela nesenel Lo, Oda na Jastis komiti, we i gat ol wok manmeri i makim gavman, NGO grup, ol meri, yut na sios grup i bung na

wok wantaim long daunim ol hevi bilong lo na oda insait long kantri.

Namba bilong ol yut i bikpela moa na winim ol arapela grup long kantri. Olsem na em i gupela long ol sios i go pas long lukautim ol dispela lain long kamap ol gupela manmeri bilong kantri.

Wanpela bikpela samting we Mista Egan i lukim bihain long mekim sampela wok painimaut em long ol yut bilong tude i no soim rispek long ol lida bilong komyniti na ples, pasin bilong yumi na ol tumbuna. Na dispela samting i kamapim planti hevi long kisim ol smok nogut olsem mariwana, strongpela dring na pasin bilong bagarapim na kilim dai man bikos ol yangpela ino harim maus na tok bilong ol sief na ol arapela bikman insait long komyniti long ples, Mista Egan em i tok.

Em i tok i gupela long skulim ol yangpela long pasin kalsa. Bikos em i wanpela strongpela samting we i holim pasim ol pipel bilong yumi long PNG. I no gupela long fosim kalsa na ol tingting bilong ol ausait lain i kam insait long kantri. Bikos sampela bilong ol dispela samting i kamapim ol krangi tingting long ol yangpela pipel bilong yumi.

PNGCC askim ol sios long wokbung

WOKBUNG namel long ol Kristen Sios long Papua Niugini em i bikpela samting long ol sios long ol i ken bung wantaim. Na go hetim strong wok insait long kantri.

Jenerel Seketeri bilong PNG Kaunsil bilong ol Sios, Reveren Leva Kila Pat i mekim dispela tok-tok long wanpela de woksop bilong ol memba bilong Kaunsil long Fonde las wik.

Ol memba sios bilong PNGCC em long lotu Katolik, Evanjelikel Luteran Sios bilong Papua Niugini (ELC-PNG), Gutnius Luteran, Yunaited Sios, Engliken, Salvesen Ami na Kristen Wimens Komiti. Ol asosiet memba em ol Melanesian Asosiesen bilong ol Tiolojikel Skul, Melanesian Institut, Laip-lain, PNG Baibel Sosaiti, Nasarin Sios, Media Kaunsil bilong ol Sios, Medikel Kaunsil bilong ol Sios, Edukesen Kaunsil bilong ol Sios, Kristen Redio, Krisren Pres, Sama

DANIEL MONA i raitim

Institut bilong Lingkwistik (SIL) long Ukarumpa, Han bilong Wol Visen long PNG na Skripsa Yunien.

Reveren Pat i tok long planti taim wok long dispela samting i save stap antap long ol sios lida tasol em i no save go daun long ol grasrut pipel.

Em i tok wok bilong PNGCC em long strongim wok bung na eksen namel long ol sios long ol eria olsem dailog long givim kliapela tingting long ol pipel long ol i ken luksave long ol sosel, politikel, iekonomik, rilijes na moral isu. Bikos long dispela rot tasol kantri bai i lukim ol gupela wok developmen i kamap namel long ol pipel na gavman na ol NGO grup long kantri.

Yunaited Sios Modereta,

Reveren Edea Kidu i tok eku-menisim o wok bung namel long ol sios em i no nupela samting. Nogat ya. Em i stap long kalsa bilong yumi. Em i tok ol wanwan sios i noken brukim nabaut ol pipel tasol ol i mas wok olsem ol brata na susa long go hetim wok eku-menisim namel long ol.

Asbisop bilong Mosbi Katolik Asdaiosis, Sir Peter Kurongku i tok fridom bilong ol lotu we i stap aninit long mama lo bilong kantri i no pasim ol kain lotu long kam insait long kantri. Tasol long lukluk bilong yumi tude, planti nupela liklik na ol non kristen lotu grup i kam insait long kantri. Na asbisop i tokaut olsem ol nupela grup ya i noken pusim ol pipel long bihainim lotu na tingting bilong ol waitman, tasol mas rispektim kalsa long ol pipel bilong PNG. Na larim ol yet i mekim disisen long wanem lotu ol i laik bihainim.

Ol Yapsi Katolik mama bai kisim helpim

STAN RANGA i raitim

PROVINSAL Afeas dipatmen bilong Sandaun bai helpim Yapsi mama grup long sampela masin bilong samapim ol klos.

Eking kodineta bilong ol Katolik mama long

Yapsi, Steven Walex i tokaut long dispela helpim insait long namba tu kibung bilong ol mama, em i bin kamap long Fonde Me 26.

Dispela ol masin bai helpim ol mama long

lainim wok samap.

Na tu bai ken mekim planti arapela wok tu wantaim ol dispela masin samap.


Tokorait bilong givim dispela helpim i bin stap namel long kiap bilong Yapsie na ol mama grup. Ol mama bai mekim sampela wok projek insait long Yapsi pastaim, bihain long provinsal afeas i givim ol mani long baim ol dispela masin.

Long ol arapela wok program, ol mama grup bilong Yapsi stesin yet bai helpim long samapim skin matres bilong ol bed bilong ol sikman meri long haus sik. Ol bai samapim tu ol pilo bilong haus sik.

Ol mama grup bilong Yapsi eria i save kam kisim skul taim ol i kamap long kibung bilong ol. Dispela ol skul i bilong helpim ol na bungim ol wantaim.

YU NO INAP WINIM


TOYOTA HILUX 4X4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 **TOYOTA**

Ela Motors



DEPARTMENT OF LANDS AND PHYSICAL PLANNING

NOTICE TO ALL LEASEHOLDERS

THE DEPARTMENT WOULD LIKE TO REMIND ALL ITS CLIENTS OF THE FOLLOWING:

1. Lessees of leasehold properties that have not or continue not to comply with or have neglected to observe the improvement covenant or conditions of the lease, and,
2. Have failed to pay the lease rents and or have allowed arrears more than six (6) months, will be required to show cause why that lease should not be forfeited.
3. If lessees of leasehold properties have not received a lease rent advice for 1995 by 15th June, 1995 or if you have any queries about your lease, please contact the relevant officers of the region and/or province where your lease is located.
4. If you have changed address please write your new address on the form below and fill in the information as required and mail it to the address shown or deposit it with the nearest lands office where you are.

NOTIS I GO LONG OL MAN NA KAMPANI I HOLIM LIS BILONG GRAUN A

DIPATMEN BILONG LAND I LAIK TOK SAVE LONG OL MAN NA KAMPANIS I HOLIM LIS LONG GRAUN OLSEM:

1. Olgeta man or kampanis i holim lis long graun na i no wok long graun ol i lus tingting long bihainim ol lo long lis bilong graun na.
2. I lus ting ting long baim lis rent to i lusim rent bilong em bai stap moa long six mum bai kisim pas long dipatmen long toksave wai na lis bilong em bai dipatment i no nap long kisim bek.
3. Sapos yu no kisim lis rent advais bilong 1995 inap long en bilong mum 15 dei June, 1995 or sapos yu gat samplea askim long lis bilong yu. Yu mas o yu ken askim ol officers long region or provins lis bilong yu i stap long en.
4. Sapos yu senisim adress bilong yu, yu mas, putim nupela adres long form i stap aninit long hia na salim long adres i stap c salim or givim long lans opis we yu stap.

LANDS DEPARTMENT ENA HAHEDIBA HEREANA UMUI DAIDIA TAUNIMANIMA ELAVANA KAMPANI, GAVAMANI ENA MO TANO OABI TAUMUI INA

HAHEDIBA HEREVANA NA BA DUHAIA NAMO NAMO:

1. Umui daika taunimanima elava bisnis taumui (kompani), gavamani ena lisi tano dia oabi bona una lisi asio ha guguru dia elavana una lisi taravatu dia asio badi nadia bona.
2. Daika taunimanima elava kompani ohe lalo boio emui lisi renti dia asio pay bona emui rent arears vada emia hanai elavana hua taura-toi vada eahanai, ai se reva reva bai atore henimuimu, emui lisi iabi lou dia dalanai. Umui na ai bame ha dibai mai dahaka dainai emui lisi basi abi hai mui, elavana basi abi lou.
3. Bema daidia tano o lisimu taumui rent advice in lagani 1995 do asio davari, na bona 15th June, 1995 elavava mai emui henanadai haida; mani emui kara aola o nohomu bona emui lisi oabi region or provins dial ba henanadai.
4. bema daidia emui adress o sensi neganai, emui adress matamata dia ba tore ina "Form" ai bona ba siai emai ai, elavana ba lao hai lands officers edekahai emui region elavana provins ai e gaukaramu taudia ba heni dia.

NAME OF LESSEE:

ADDRESS:

DESCRIPTION OF STATE LEASE:

LESSEE NO.:

ALLOTMENT	SECTION	TOWN/CITY	PROVINCE
.....

PORTION	MILINCH	FOURMIL	PROVINCE
.....

Authorised by: JOSEPH S. AOAE
 Secretary,
 Department of Lands & Physical Planning,
 PO Box 5665,
 BOROKO.
 N.C.D.

OL LIKLIK NIUS

USA bai yusim spai balus

WASHINGTON: US militeri long dispela wik bai salim ol spai balus bilong em i gat ol kainkain spai masin i go long Bosnia long kism ol sampela kain infomesen bilong helpim ol NATO pis kiping fos long hap, dipatmen bilong difens i tokaut long Mande. Dispela ol balus sistem em ol i kolim Predator na bai nogat paillet long em tasol ol bai kontrolim long graun bai go long Albania long stat bilong neks wik long sapotim ol operesen bilong NATO long Yugoslavia, Pentagon i tokaut. Disisen bilong ol long yusim dispela ol spai balus na kontrolim long graun i kamap bihain long ol Serbia i sutim daun wanpela balus bilong US ami long las mun na paillet em ol i kism bek las wik tasol. Seketeri bilong Difens William Perry i tok olsem US bai putim dispela ol balus long was gut tru long ol ami bilong NATO egensim ol Serbia militeri.

Ol kalabus man bai kot gen


Melben: Tripela kalabusman em ol woda i tokim ol long werim ol aien rop long lek bilong ol i redi long salensim dispela long kot we ol i tok dispela pasin i wankain olsem ol kalabus bilong Australia long bipo. Dispela kot bilong ol em ol bai bringim i go olgeta long bikpela Suprim kot. Ol kalabusman ya John William Lindrea na Christopher Dean Binse i mas gat sen long lek bilong ol wanpela hour long wanpela dei taim ol i lusim ol i go autsait long raun. Dispela pasin ol i mekim bihain long tupela man ya i laik traim ranawe. Lindrea i stap long kalabus bihain long em i kilim man i dai na Binse em long stil wantaim gan.

Plis rausim man long haus

BOCA ROTON: Wanpela man husat i save dai stret long biknem tenis pilaia Sterfir Graf em ol plisman i holim em long wanpela klab klostu long haus bilong Sterfi na rausim em i go long narapela hap. Nem bilong man ya Michael Salater bipo ol plis i bin painim olsem emi save go insait long haus bilong Sterfi na mekim ol kainkain pasin nogut antap long bet bilong em. Kain ol pasin olsem rausim trausis bilong em na rabim skin bilong em long bet bilong Sterfi. Sterfi i bin painimaut long dispela na toksave long ol plisman husat i holim em na sasim em. Tasol long las wik, man ya i soim pes gen arere long haus bilogn Sterfi. Nem bilong man ya Michael Salata. Tasol plis i no arestim. Ol i rausim em tasol long stap klostu long dispela hap.



• Famili bilong ol lain manmeri na pikinini husat i bin indai taim bom i pairap insait long wanpela haus long Oklahoma Siti, Yunaited Stet bilong Amerika. Ol i sanap na lukim ol wokman i bomim dispela haus i go daun long graun.



• Interio ministra bilong kantri Filipin, Rafael Alunan, na bos bilong nesenel plis fos, Jenerel Recaredo Sarmiento, i kapsaitim sampela spapk brus long hot wara insait long dram. Dispela i bin kamap long mun Epril, 1995.



• Ol soldia bilong Frans i sekim wanpela bilong 6-pela nupela mota bilong ol long Sande Jun 11. Dispela i bin kamap long Maun Igman, ausait long Sarajevo. Pait i kamap yet long hap namel long ol Bosnia soldia na Sebia rebel paitman.



TELIKOM

TOK

PTC i givim K700 sek long ol lain PINA (Pasific Islands News Association)

Pos na Telikomyunikesen, las wik i givim wanpela sek we i kos K700 go long siameri bilong PINA Konferens, Ms Anna Solomon.

Long taim bilong givim sek Eking Menesing Dairekta Mista John Kamblijambli i tok "PTC i amamas tasol long kamap olsem wanpela kopret sponsa bilong PINA Konferens bikos em i laik ol niusman husat i wok long go long miting long soim ol tru na gutpela stori o piksa bilong Papua Niugini".

Mista Kamblijambli i tok tu olsem planti taim ol niusman i save raitim ol stori we i bagarapim Papua Niugini, na em i hop olsem bihain long PINA Konferens, ol niusman bai i gat save pas long ol planti risoses Papua Niugini i gat long ofaim i go long ol arapela liklik Pasifik Ailan kantri.

Long sem taim tu, Telikom Divisen bilong PTC i givim tripela telipon lains na tu saplaim 200 telipon dairektri bilong 1995 long helpim ol PINA Sekretariat long taim bilong kibung bilong ol.



• Eking Menesing Dairekta, Mista Kamblijambli i givim K700 sek long Siameri bilong PINA Konferens.


Nau mipela i tok tok!



• Ol yangpela manki Tolai bilong Is Nu Briten provins i katim ol diwai bilong wokim banis long ples.



• Man ya bilong Baniara insait long Milen Be provins i mekim save stret wantaim taur taim em i singsing long Islander hotel long Sande nait.



• Peter Bamuna (lephan) i penim pes bilong Martha Kandawe long amam-sim bikipela ragbi pilai bilong Nu Saut wels na Kwinslan.



• Ol Kawas i luk olsem ol i wok long redi nau long kamap stail ben pilai wantaim mambu bilong Not Solomon provins.



• Ol primia bilong olgeta provins bilong Papua i sindaun na harim toktok bilong ol biknem man bilong Papua Niugini long forum i bin kamap bilong Papua rijon insait long Mosbi.



• Komanda bilong Goldie Bareks Kenel Maiasa (raithan) i inspektim paraid. long Goldie Difens Fos bareks.

MOMASE

Moa bisnis kamap nau long Madang

WOK bisnis long Madang i wok long kamap gut na rot bilong kamapim wok bisnis tu i kamap gutpela nau long pulim moa invesmen i kam insait, Madang Samba ov Komes na Industri i tok.

Presiden bilong Madang Samba ov Komes na Industri, Stephen Southern i tok nupela invesmen i wok long kam long Madang long ol kampani long PNG yet na tu long ovasis. Ol kampani long Madang yet i wok long go bikipela wantaim moa masin na moa wokman.

Em i tok ol industri long Madang i wok long go planti. Ol industri i karamapim ol eria olsem; manufeksaring, riteling, maining sevises, turism na hospitaliti. Olgeta sevis wanwan kampani i givim i sapatim Madang long kamap gutpela bisnis komyuniti.

Mista Southern i tok nau Wills (PNG) smok kampani i opim bisnis bilong em i go bikipela, dispela i kirapim tu rot

long moa kampani na investa long go putim bisnis bilong tu long Madang.

Em i tok gutpela bris bilong sip na naispela ples long Madang i mekim provins i kamap gutpela tru. Em i tok Madang provinsal gavman tu i redi long toktok wantaim ol bisnis lain long ol wok na hevi bilong wok bisnis insait long Madang provins.

Long sait bilong riteling bisnis, Anderson Foodland i redi tu long opim bikipela supamaketa stua we bikipela bilong em bai olsem 1500 skea mita, bai i gat hap bilong baim ol kago samting long holsel na ol opis spes. Papindo kampani tu i redi long sanapim wanpela bikipela supamaketa bilong em long pinis bilong dispela yia. Bikipela stua long Madang yet em M & T Tsang kampani na em i bin pinisim wanpela bikipela haus stua bilong em pinis long namel bilong Madang taun yet.

Em i tok tu olsem tin

mit kampani, James Barnes i opim bisnis bilong em i go moa pinis wantaim Globe mit na abus bilong em long ol tin. James Barnes i laik kamapim tu ol arapela kaikai long fektori bilong em na liklik taim bihain, em bai kamapim fektori bilong wokim tin. Em i tok dispela bisnis i pulim pinis ai na sapatim bilong ol ovasis tin pis kampani.

Mista Southern i tok Madang i bin kisim luksave pinis long sanapim tupela tin pis fektori. Long nau yet provins i wok long kisim helpim i kam long hap wok bilong dispela fektori tasol wok tru i ron isi isi yet bikos long sampela hevi bilong kampani yet. Tasol fektori ya i sambai long kisim moa wokman long wok aninit long dispela nupela bisnis.

Narapela tin pis kampani tu long Madang em RD Keneri husat i wok long redim ol samting bilong em long ranim wok bilong pis. Em bai kamapim wok long planti manmeri na tu

givim wok i go long ol papa bilong sip na bot long Madang bikos kampani bai sanap long Madang na skelim olgeta pis long hap. Em i tok arapela ovasis kampani husat i save wokim tin i putim ai nau long Madang long sanapim bisnis bilong ol long hap.

Mista Southern i tok tu long FRG Clothing kampani husat i save samapim ol kolos bilong werim long wok na tu bilong ol manmeri long werim olsem wok bilong ol tu i wok long go gutpela moa. FRG i wanpela bikipela kolos kampani husat i save samapim ol kolos na sailim i go tu long Australia maket.

Em i tok Madang i groa nau olsem sapatim bes bilong wok maining na eksplorasen industri long PNG. Tupela maining kampani long Papua Niugini tu i stap long Madang. Tupela kampani ya em CRA na Highlands Gold Limited. United States Drilings i save yusim Madang olsem bes bilong em

long sapatim maining industri long PNG. Mista Southern i tok lukluk long maket sea bilong ol, UPD i salim ol save na wok painimaut bilong em i go lon Asia kantri. Na tu Astrlobe Pty Ltd, husat em wanpela bikipela PNG analitikel sevis kampani na i gat tupela leborori long Madang.

Long sait bilong timba industri, Mista Southern i tok i gat sampela bikipela timba kampani i stap pinis long Madang na i wok long katim diwai i stap. Em i tok sapatim bilong nesenel gavman long kamapim long kantri bai givim sans nau long ol dispela kampani long opim wok bilong ol i go bikipela.

Em i tok Madang i gat gutpela stori na rekot long sait bilong lukautim ol turis na ovasis manmeri go long Madang. Olsem na tupela bikipela hotel em Madang Resort na Coral Sea Hotel i wok long opim moa spes o rum bilong ol bikos long moa turis manmeri i wok long go planti long Madang na tu planti

bikipela man i kam long kibung i wok long kamap long Madang.

Mista Southern i tok Madang Resort Hotel i go insait nau long bikipela senis we em i opim konfrens rum bilong em na wokim moa rum. Dispela em wanpela bikipela projektru we i kos moa long K1 milion.

Planti ovasis manmeri i go long Madang tu long glasim aninit long solwara bilong Madang long hap bilong Jais Aben na Malolo Plentesen Resort. Planti turis i kam long hap bilong Japan na tu long ol ovasis kantri long sata flait long Air Niugini i go long Madang.

Presiden bilong Samba ov Komes na Industri i tok disisen bilong nesenel gavman long holim bikipela konfrens bilong Saut Pasifik Forum long Madang bai opim moa dua long moa turis manmeri i kam long Madang.

Moa wok bisnis i wok long kamap long Madang na dispela i pulim tu interes bilong kampani husat i laik

kamapim ol komesel na building konstraksen. Em i tok nau planti tok tok i kamap long wokim moa haus, stua, opis na ol bikipela haus bilong ol kampani bai pulim moa mani i go long ol building konstraksen kampani long Madang.

Em i tok moa bisnis i wok long kamap long Madang bikos long strong bilong Madang long opim wok bisnis bilong em i go bikipela. Em i tok ol bikipela bisnis kampani i wok gut na opim bisnis bilong ol i go bikipela bikos long ol sevis ol i kisim tu long ol liklik kampani. Na dispela i mekim wok i ron gut na kamapim moa wok long planti manmeri na kampani yet i painim gutpela amamas long wok bilong em.

"Gutpela ples, inap graun, wokman i harim tok na gutpela provinsal gavman i kamapim gutpela as bilong wok bisnis long Madang. Gutpela rot na ples bilong wokim bisnis i kamap pinis na strongim interes bilong ol olupela kampani i stap pinis na ol nupela nau i laik i go insait long provins", Mista Southern i tok.



KRISTEN PRES

KRISTEN PRES LTD trading as KRISTEN PRES is a publishing house dedicated to good printing. KRISTEN PRESS has operated in Papua New Guinea for over 60 years being one of the very first printing presses set up in the country.

Kristen Pres offers a comprehensive service covering all aspects of printing.

We specialise in printing, calendars, annual reports, invoice receipt books, school magazines, adhesive labels all sizes/shapes, our specialised printing is available full colour/multi colour or non colour.

Contact Kristen Pres PO Box 712 Madang Telephone 82 2988/ 82 2989/82 2035 Fax: 82 3313.

Kristen Pres Ltd trading as Kristen Pres operates Christian Book Centres at Madang and Lae supplying school supplies, stationery, educational, health, academic, agriculture, development, business, children, youth books in English and Pidgin.

We stock religious books and Sunday and religious instruction lessons.

Your printing orders, can be left at Kristen Book Centres.

LAE Box 3098 Phone: 42 4156 Fax 42 7937

MADANG Box 712 Phone 82 2043 Fax 82 3376

Kristen Pres offers customer satisfaction.



• Madang i gutpela nau long wok bisnis.

Lae i redi nau long wok bisnis

BIHAIN taim bilong Lae nau i luk gutpela. Na nau em i kamap olsem wanpela gutpela ples bilong mekim bisnis insait long Papua Niugini.

Siti i bin gat bikpela hevi long ol rot i pulap long planti hul. Dispela hevi i pinis nau. Bikos Lae Siti Atoriti i stretim pinis sampela rot long siti wantaim sampela helpim mani i kam long AussAID rot rihabilite-sen program.

Long sampela yia i go pinis, Lae i no bin kisim gutpela nem. Bikos ol rot long siti i bagarap nogut tru, we i no gutpela long wok bisnis insait long siti.

Na nau Lae Semba bilong Komes na Industri i amamas. Bikos wok bilong stretim gen ol rot i stat pinis.

Presiden bilong Lae Semba bilong Komes na Industri, Allan McLay i tok long sampela yia i go pinis ol i bin wokhat long mekim ol pipel long Lae siti i luksave long hevi bilong rot. Na wanem kain hevi dispela i bringim long siti

olsem long wok bisnis. Na em i wok bilong husat long stretim ol rot.

Em i tok em i amamas olsem Lae Semba bilong Komes na Industri i helpim tu long bringim nau ol dispela senis, we wok bilong stretim ol rot i stat pinis.

"Mipela i wokbung yet wantaim ol saveman bilong AussAID, ol projek menesa na ol provinsal atoriti. Dispela em long lukim olsem wok bilong stretim gen ol rot i go het gut. Na nogat samting bai kamap long stapim," Mista McLay i tok.

Em i tok wok rere bilong stet 2 na 3 bilong stretim ol rot i go het gut pinis. Na wok tru bai stat bipo long pinis bilong dispela yia, 1995.

Em i tok wok bilong stretim ol rot long siti bai givim gutpela rot long ol bisnis kampani long mekim gut wok bilong ol. Dispela i min olsem ol bisnis kampani i no inap tromoi bikpela mani long mekim wok bilong ol. Na tu ol bisnis i no inap tromoi bikpela

mani long stretim ol bagarap i kamap long ka bilong ol. Dispela i min tu olsem ol PMV bai kisim hariap ol wokman meri i go long ples bilong wok.

Nau yet Lae Semba bilong Komes na Industri i mekim wokwok rere bilong lukautim wanpela woksop, em bai kamap long Julai 6, 1995. Ol bisnis kampani long Lae siti wantaim menesa bilong Lihir Menesmen Kampani bai kamap. Na paitim toktok long dispela woksop o bung.

Mista McLay i tok astingting bilong holim dispela woksop em long stretim gut wokbung namel long ol bisnis long Lae na Lihir main. Na tu long stretim ol pepa wok bilong ol.

Mista McLay i tok, "Olsem na wantaim ol gutpela rot, bikpela bris bilong ol sip i sua long Lae siti, bikpela hap bilong bungim ol hailans provins na bikpela senta bilong saplaim Lihir main, bihain taim bilong Lae i luk gutpela."

Wok bilong stretim rot i go het gut



• Nupela POSF haus long bikpela bisnis senta bilong Lae siti. Dispela em wanpela gutpela piksa i soim olsem ol bisnis kampani i bilip long tromoi mani na mekim bisnis wok bilong ol long siti.

**Jackets
and Ties
not
required**



**For Down to
Earth People
at Down to
Earth Prices**



Port Moresby-Gateway Hotel
The Gateway is a natural hotel to get away from it all; and for business a great place to get it all together.

Madang-Smugglers Inn Resort
Tree-infested fairways, whispering sand and colour everywhere. This is oceanside life, fresh seafood, warm breezes and the rhythm of the surf to caress you to sleep.



Mt-Hagen-Highlander Hotel
The Highlands, remote, rugged & tough. The Highlander Hotel is the exact opposite-central, convivial and very comfortable- be it business or pleasure.

Lae-Melanesian Hotel
The most up-to-date Hotel downtown Lae-Conventions, Conferences and creature comforts catered for courteously and professionally.



FLAG
INTERNATIONAL
HOTELS - INNS - RESORTS - APARTMENTS



Coral Sea Hotels
Forever Courteous

FLAG
INTERNATIONAL
HOTELS - INNS - RESORTS - APARTMENTS

PO Box 1215, Boroko N.C.D., Papua New Guinea

CENTRAL RESERVATIONS PHONE (675) 25 2612

PNG LAIRSTAIL

Wok bilong planim rais groa long Bogenvil

VERONICA HATUTASI i raitim

SAPOS yu putim askim i go long pablik, wanem ansa yu ting bai yu kisim sapos yu askim wanem kaikai tru i stap antap long top lista bilong ol Papua Niugini manmeri? Kaukau, banana, yem, taro, saksak o rais.

Yumi wanwan i ken skelim. Tasol long lukluk na toktok bilong planti lain, ansa bilong ol em rais.

Watpo tru na rais i winim ol kaikai i kam yet long ol gaden bilong yumi long ples? Ating bikos rais em i isi long kukim, wanpela peket inap long planti lain long kaikaim o swit bilong rais i winim ol kaikai bilong yumi long ples. Mi lusim dispela askim wantaim yupela wanwan long glasim, skelim na bekim yupela yet.

Gavman bilong yumi i save tromoi K90 milien long olgeta yia long baim rais long ol arapela kantri. Dispela em bikpela mani tumas we gavman i ken holim bek na yusim long ol arapela developmen. Mobeta yumi ol pipel na ol lain husat i lukautim wok agrikalsa long kantri i kamapim strong tingting long na mekim samting long senisim dispela.

Em i tru rais inap gro long sampela hap bilong PNG. Wanpela piksa em long Kairuku sait insait long Sentrel provins, we long nau ol i groim na salim sampela rais bilong ol insait long ol bikpela supamaketa, na tu long ol liklik stoa.

Wanpela samting em sapos gavman i ken sapotim strong tingting na tu ol pipel yet i mas strong long groim moa rais, orait mipela long kantri yet i ken lukautim mipela long groim na kaikaim rais, we mipela yet i groim long kantri.

Bogenvil em i wanpela provins we i strong long groim rais long dispela taim. Rais em i no nupela samting long groim long Bogenvil.

Planti yia bipo ol pipel i bin groim ol liklik rais plot bilong ol yet. Dispela em bipo long gavman bilong Australia i bosim yet PNG long ol gutpela taim we ol kain kes krop olsem kakau na kopra i no kamap yet long provins. Long dispela taim ol DPI opisa i save strongim tingting bilong ol pipel long planim rais.

Orait, taim ol hevi long Bogenvil i kamap na long 1990 na 1991, gavman i pasim olgeta sevis i go long ailan, wanpela long ol samting we ol pipel i no kisim moa em rais. Na rais i bun tru bilong mipela olgeta pipel long PNG.

Ol pipel i kirap na ol i stat long groim bek rais. Long Siwai, sampela fama i stat groim ol plot rais long Novemba 1990. Tasol taim sindaun long hap i go bagarap long Mas 1992, na ol pipel i lusim ples na go stap long ol kea senta, wok bilong planim rais i pundaun.

Long ol arapela hap olsem Tinputz na Buka, sampela DPI opisa i statim wok bilong planim rais long 1993. Mekim na long 1993, tupela man Bogenvil i bin go long Saina long kisim moa skul long planim na lukautim rais. Wanpela bilong ol em Leo Maiha bilong Siwai, husat i marit na stap long Tinputz. Narapela em Steven Bunn bilong Buka distrik.

Long nau yet, tupela man ya i go strong yet na long hatwok bilong ol, planti hap long Bogenvil nau i groim rais bilong famili long kaikai.



● Sampela pikinini Siwai i amamas long ples. Planti yangpela manmeri bilong tude olsem em rais i nambawan kaikai bilong ol. Mekim na kantri save tromoi K90 milien long baim ovasis rais long olgeta yia. Dispela mani i ken stap bek long kamapim ol arapela wok, sapos PNG i planim moa rais bilong em yet.


Wantok i bin bungim wanpela DPI opisa wantaim Saut Wes Interim Atoriti long Siwai, Mathew Uremu husat i kam long mekim sampela wok na stori long rais faming long Siwai distrik.

Rais faming o groim rais long planti hap bilong Siwai distrik i go het strong long dispela taim. Planti pipel nau i gat ol plot bilong ol long planim rais.

Mista Uremu em i tok Saut Bogenvil Agrikalsa Faundesem i helpim ol Siwai smolholda fama wantaim rais prosek na ol arapela wok long planim ol arapela kaikai long gaden bilong lukautim famili na tu bilong salim na kisim mani long ol.

Kain rais we ol i planim nau long Siwai em ol i kolim long Japonika.

Mista Uremu i tok em i kisim dispela long Warangoi insait long Is Nu Briten we ol i gat rais projek aninit long fanding long gavman bilong Japan.



● Ol bikman i sanap long taim ol studen i singim nesenel singsing o entem bilong kantri. Dispela em long mun Novemba long 1993, long taim bilong traime namba wan rais long Buka. Long raitan em mausmeri bilong Saina i stori wantaim wanpela man bilong ples.

Oi Foto: VERONICA HATUTASI

Long 1993 em i Siwai na Faundesem i ol DPI opisa i kisim ol karim rais i go long planim. Taim em i redi, sit (pikinini) bilong rais

na tilim i go long ol fama long Siwai husat i gat laik long planim.

Stat long dispela taim nau, ol pipel long Siwai nau i strong tru long groim na kamapim rais bilong ol long kaikaim. Wanwan fama nau i planim rais long hap graun inap long wanpela hekta. Prosek ya i go gut tru na nau ol Siwai pipel i kaikaim rais we ol yet i planim. Taim ol i sot long rais long ol kentin o tred stoa. Ol i no wari bikos ol i gat rais yet bilong ol i stap.

Wanpela masin bilong klinim rais (rais mil) i stap long hap bilong Faundesem long Konga we ol fama i save karim rais bilong ol i go na klinim.

Ol no kisim wanpela helpim i kam long gavman long wokim ol prosek tasol Mista Uremu i tok ol fama ino wari. Sapos ol i sindaun wetim gavman long helpim ol, ol bai ino inap long kamapim wanpela samting so ol yet long laik bilong ol i go het na mekim samting long helpim ol yet, Mista Uremu i tok. Mista Uremu i tok bikpela tingting bilong Faundesem em long lukim olsem insait long narapela 5-pela yia, ol pipel long Siwai i mas gat moa rais we ol yet ol i planim. Long nau em i tok ol i givim tupela opsen long ol rais fama. Namba wan em long taim ol i karim rais long klinim long faundesem, ol save sasim ol 20 toea long wanpela kilo. Dispela em bilong helpim Faundesem long baim wel bilong masin i wok. Narapela em sapos sampela fama i laik salim rais i go long Faundesem, em i save baim 80 toea long wan kilo. Nau i gat bikpela diman long Siwai rais long ples. Ol i save baim 80 toea long wan kilo rais. Tasol long faundesem, ol i save baim K1 long wanpela kilo.

Supavaisa Tokples Edukesen Progrem kos long Ukarumpa

TOKSAVE i go long Yonggom long Westen Hailans provins, na tu long Girawa long Madang, na Kaugel long Westen Hailans, na tu long daga long Milen Be, ol man i bin kam long Supavaisa Tokples Edukesen Progrem (STEP) kos, em i bn kamap long Ukarumpa insait long kainantu distrik bilong Isten Hailans provins.

Simon Savaiko bilong Baibel Trenslesen Asosiesen long Papua Niugini em i namba tu prinsipel long kos. Em i tok olsem as bilong holim STEP kos i bilong helpim ol supavaisa husat i ranim pinis tokples skul long ol ples long bus long kisim save long nupela senis long edukesen em gavman i bin traime long mekim kamap.

Dispela kos i gat 5-pela hap long en insait long tu na hap yia. Na tu i gat 6-pela mun bilong mekim ol wok, na tisa bai was na lukluk long dispela taim. Ol man husat i bin stap long dispela kos i mas mekim wok long hap bilong ol yet, bihain long wanwan kos.

Namba wan kos i karamapim rot bilong mekim kamap wok bilong tokples long wanwan ples long save long rit na rait long tokples bilong ol stret. Taim ol i pinisim 5-pela hap kos, ol bai save long statim na lukautim wok bilong skulim bikpela manmeri na long ol prep skul tu.

Na tu ol bai kamap olsem man bilong trenim ol arapela gen long mekim wok olsem prep skul tisa. Na tu ol bai i inap long helpim narapela tokples lain long kamapim tokples bilong ol.

Papa Amyap bilong Yonggom long wara Ok Tedi i tok olsem em i bin kam hia long lainim moa long pasin bilong wok long tokples. Rudolph Tekei bilong Gendeka long Madang tu i gat wankain tingting olsem Papa Amyap. Em i



• Papa Amyap na Atuk Doronuwet bilong Yonggom long Westen provins wok long kisim save long olgeta nupela senis bilong edukesen.

tok tu olsem long ples bilong em, i nogat tokples skul. Na ol manmeri i gat bikpela laik long statim. Olsem na Rudolph i lukim dispela wok inap helpim komyuniti bilong em.

Ol man i stap long kos ya i kam long 15 tokples long Papua Niugini. Wapela bilong ol dispela kos em i Barai tokples insait long

Oro provins. Newton Kesiri i bin mekim wok long dispela tokples literesi progrem long 10-pela yia i go pinis. Na em i tok olsem ol hetman bilong ples i bin makim ol long kam long dispela kos.

Ol arapela lain long kos tu em komyuniti yet i makim ol long kamap. Na olgeta i bin kisim helpim long mani long ples bilong

ol yet.

Duone Kwatakwaat bilong Wantoat long Morobe provins i bin kisim helpim long Wol Visen. Na planti arapela man tu i bin kisim wankain helpim long arapela grup olsem Australian Intanesenel Dvelopmen Eit Biro (AIDAB).

Insait long kos i gat tu 12-pela yangpela manmeri. Ol i bilong Australia na Nu Silan.

Ol bai mekim wok bilong helpim ol supavaisa long ranim tokples skul long wanwan ples bilong ol yet. Simon Savaiko i tok em i gutpela tru long lukim ol dispela lain manmeri (Venture 24) long mekim wok wantaim ol Papua Niugini manmeri olsem wapela tim.

Sama Institut bilong Lingustik (SIL) i bin kamapim dispela kos.

SIL em i no wapela gavman bodi. Nogat. Em i mekim wok bilong tanim buk Baibel i no long wanwan tokples. Na i wok long tokples literesi tu. Baibel Trenslesen Asosiesen bilong Papua Niugini i save rdim ol tisa bilong kos.

Wapela bilong ol dispela tisa em Rambai Keruwa. Em i tok olsem kantri bilong mipela i stap long taim bilong planti senis nau. Na ol yangpela manmeri i wok long tingim ol dispela senis.

Gavman nau i tingting long kamapim nupela edukesen rifom sistem long ol pikinini mas kisim skul pastaim long tokples bilong ol yet insait long tripela yia long skul bilong ol. Pasin na kastom bilong ples i mas stap strong long dispela sistem. Dispela skul em i Elementeri Skul, we i no wankain long komyuniti skul. Em i samting bilong ples.

Planti samting ol pikinini i lainim bai long tokples bilong ol yet. Na bai mekim ol Papua Niugini save gut long wanem senis i wok long kamap insait long wanwan ples.

Mista Keruwa i tok moa olsem "Man husat i kamap long dispela kos i mas givim strongpela na gutpela tingting long komyuniti bilong em long dispela wok em bai kirapim."

Em i tok moa olsem "toktok bilong kirapim tingting bilong komyuniti em i bikpela samting. Taim dispela i pinis long ples, yu inap kisim sapot long komyuniti long statim prep skul."

Rambai Keruwa i tok bikpela samting tru long dispela STEP kos em planti man husat i bin kamap long kos i kam long olgeta hap bilong kantri long bingim na kamapim tingting wantaim. Na dispela em i gutpela rot bilong strongim wok bilong tokples skul insait long kantri.



• John Sammy, Janny Lotterman na Peter Rakay husat i kirapim nupela literesi progrem bilong Tanggu tokples long Madang provins.

Kondom...samting ya ken kamapim hevi

TAIM ol Helt atoriti na ol opisa olsem Helen Pilon bilong Tras Meri Seksen bilong wanpela Non Gavman Oganaisesen ol i kolim PNG Tras i toktok long famili plening, ol i toktok long rot, we na pasin bilong wanpela man na meri ken bihainim o yusim long spesim pikinini.

Dispela i min olsem wanpela man meri bilong em i mas kamapim wanpela pikinini na bihain long samting olsem 4-pela o 5-pela yia, i ken kamapim arapela pikinini gen. Dispela bai mekim isi long tupela long lukautim ol pikinini bilong tupela long ol samting olsem kaikai, klos na tu ol arapela samting.

Wanpela samting we i Helt atoriti save toktok long wok bilong en long sait bilong famili plening na tu long stopim o banisim ol manmeri long kisim ol kainkain sik nogut olsem konoria, sifilis na nupela sik nogut ol i kolim AIDS

em KONDOM.

Ol waitman i save kolim Kondom. Tasol taim kondom i kam kamap long Papua Niugini na mipela i luksave long wok bilong dispela samting na tu bikos long pasin bilong mipela long wokim pani, mipela givim kainkain nem long kondom. Sampela nem mipela ol pipel bilong Papua Niugini givim long kondom em: gumi, raba, laisens, setifiket, sembo bilong Kanage, karamap, soken na planti arapela nem.

I gat kondom bilong ol man na bilong ol meri. Tasol kondom bilong ol meri i nogat inap saplai hia long kantri bilong mipela. Dispela i min olsem planti pipel i no lukim yet kondom bilong ol meri. Atingting liklik lain tasol i lukim. Sapos wanpela meri long rurel eria i harim olsem i gat kondom bilong ol meri, em bai no inap bilip. Na tu em bai wokim pani na lap i go inap em i kus. Bikos ol meri long rurel eria i



no save long kain ol samting olsem.

Olsem toktok i stap pinis antap, kondom i bilong yusim long sait bilong famili plening na banisim yu yet long kisim ol sik nogut. Na tu

long banisim wanpela yangpela man na prenmeri bilong em long kamapim pikinini we tupela i no redi yet long kamapim.

Taim awenes program bilong skulim ol

pipel long yusim kondom i kamap bikpela insait long kantri, sampela sios i egensim tru dispela awenes program. Bikos ol i tok olsem pasin bilong yusim kondom i egensim na tu i no kam aninit long ol lo bilong sios.

Aninit long dispela astingting, wanpela Katolik pater i tokim PNG Laipstail olsem taim wanpela man i yusim kondom na slip wantaim meri bilong em, tupela bai no inap kisim amamas na swit bilong tupela slip wantaim na karim aut wok bilong kamapim pikinini.

I gat wanpela samting we kondom i ken kamapim long marit laip bilong wanpela man na meri. Dispela samting we mipela i givim ol nem olsem raba, gumi na soken i ken kamapim kros na pait namel long wanpela man wantaim meri bilong em. Wanpela samting nating tasol kos bilong hevi dispela samting i ken kamapim i ken winim kos bilong wanpela kondom yu baim long stua.

Sapos yu no luksave, kondom i ken mekim meri bel kros na belhat long man bilong em long paul nabaut wantaim ol arapela meri. Dispela meri kros na sutim tok long man bilong em, man bilong em i ken belhat na painim meri bilong em. Sampela taim, dispela i ken kamapim bagarap long bodi bilong meri. Bihainim dispela, famili ken bungim ol arapela hevi.

Hia em wanpela eksampel o tok piksa long wanem rot kondom i ken kamapim hevi long famili.

Ben Badfinger em i wanpela maritman. Em wantaim meri bilong em i gat tripela pikinini. Ben i wok olsem wanpela mekanik.

Wanpela taim wanpela poroman bilong em, wanpela helt opisa, i kisim sampela kondom i go na askim Ben sapos em i laikim sampela. Na Ben i tok yes na poroman bilong em i givim em sampela kondom. Long apinun, Ben i pinis wok na go long haus. Taim em i go kamap long haus, em i lusim tingting long rausim ol kondom long poket bilong ovarol bilong em. Na i tokim misis bilong em olsem wanpela poroman i givim em sampela kondom.

Ben i go kamap long haus na rausim ovarol na putim i go insait long basket kanda we ol doti klos bilong famili stap. Long arapela de, em i go bek long wok. Na meri bilong em i wasim klos i go na painim ol kondom long poket bilong ovarol. Orait long apinun, taim Ben i pinis wok na i go long haus, bikpela kros i kamap. Misis bilong em i sutim tok long em i save paul wantaim ol meri. Taim Ben i laik toktok na tok klia long misis bilong em, misis bilong em i egensim em tru. Na tokim Ben olsem em i laik giaman long haitem asua bilong em. Mekim i go na Ben i belhat na paitim misis bilong em.

Na misis bilong em i belhat long dispela na kisim nait na sutim Ben. Pinis bilong stori olsem tupela wantaim i go long haus wik.

I no longtaim i go pinis, wanpela man i tokim PNG Laipstail olsem em wantaim prenmeri bilong em i bungim hevi. Na hevi ya i olsem prenmeri bilong em i lusim sikmun bilong em.

Man ya i tok asua i stap long prenmeri bilong em. Bikos prenmeri bilong em i painim sampela kondom long poket bilong em. Na em i wokim paia na kukim ol. Taim man ya i stopim em long kukim, prenmeri bilong em i kros na tok em (man ya) i save paul wantaim ol arapela meri. Olsem na em i save putim ol kondom long poket bilong traumatis na raun.

Tude, planti sios woka na tu ol arapela pipel i tok olsem kondom i wok long helpim long wokim pasin pamuk i kamap moa bikpela. Long wankain taim, ol arapela pipel i wok long tok olsem kondom i gutpela long wokim famili plening na tu long banisim yu yet long kisim ol sik nogut olsem AIDS na sifilis.

Tasol bikpela samting PNG Laipstail i laik putim kamap long mipela i ken luksave i olsem kondom i ken kamapim hevi long marit laip bilong wanpela man na meri sapos wanpela bilong tupela i krangi o asua. Hevi bai kamap taim i nogat gutpela komyunikesen namel long tupela.

Baha'i Faith

Stap 40 Yia olgeta long PNG

Man i kamapim dispela lotu nem bilong em Baha'u'llah. Mining bilong en long Persia tokples em "Glori bilong God" Em i wanpela mausman bilong God na ol i bihainim em ol lain Baha'i.

Baha'i bilip i stap fotiwan yia olsem wanpela huntret tenpela faiv christmas i go pinis long Persia.

Mi amamas olsem mi wanpela long ol man mi save lotu long God bikos mi bilip long wanem Baha'i i skulim mi olsem i gat wanpela God na olgeta lotu long dispela graun i kam long em tasol na olgeta manmeri wankain tu olsem em.

Baha'i bilip skulim ol manmeri long stret pasin long kamapim gutpela sindaun long dispela graun. Wanpela bikpela samting Baha'u'llah i skulim long dispela dei long mekim ol sampela kain wok na taim yu wokim wantaim spirit bilong sevis em wankain olsem tasol yu lotuim God. Bikpela skul we yumi ken lainim hia em yumi mas wok na helpim yumi yet long gutpela sindaun na strongim ol narapela tu long mekim wankain.

Long tude planti manmeri long dispela graun ol wok bikos wanem ol inap painim long dei em inap long skel bilong ol na famili i no bilong kilim skin. Em ol putim strong inap long mekim wok na pinisim gut.

Baha'u'llah i tok wok bilong yumi i helpim yumi bilong tingim gutpela wol i kam bihain na dispela em i mekim kamap olsem wanpela prea. Dispela em wanpela spesol divain blessing we nupela long telimautim. Mi wet tasol long ol saveman long Papua Niugini long painimaut bilip bilong Baha'i na skelim na bai save long skul bilong ol.



Thomson Lombage
Enga Province

Wanpela God *Wanpela Man *Wanpela Lotu

Ol Siwai soim gutpela piksa long PNG bihainim

VERONICA HATUTASI
i raitim

OL PIPEL bilong Siwai insait long saut wes Bogenvil i no sindaun nating na wetim gavman long givim helpim i go long ol. Nogat ya. Ol i mekim ol samting long helpim ol yet long painim gutpela sindaun, na liklik mani long baim ol samting ol i laikim.

Sampela long ol liklik prosek we i go gut nau long Siwai em long planim rais, lukautim kakaruk na pik na salim long ol manmeri. Distrik i go pas long go hetim ol bisnis wok em long saut na sentrel Bogenvil.

Rais projek

Wantaim helpim bilong Saut Bogenvil Agrikalsa Faundesen (SBAF), rais faming i kamap wanpela bikpela prosek long ol fama bilong Siwai.

Wanpela opisa bilong SBAF, Mathew Uremu i tok wanpela masin bilong klinim rais o rais mil i stap pinis long Konga we ol pipel i save karim rais i go bilong klinim.

Stat long 1993, ol fama na ol famili bilong ol long Siwai i wok long kaikaim rais i kam long ol liklik rais plot bilong ol yet. Tasol stat long dispela yia, SBAF i givim tupela opsen long ol fama. Em long:

- Long ol fama i kisim rais bilong ol i go long rais mil long Konga long klinim na karim i go bek. Tasol i peim 20 toea long

wan wan kilo long faundesen bilong helpim peim piul.

- Narapela em sapos ol i laik salim rais i go long Faundesen, em i baim 80 toea long wan wan kilogrem hevi rais. Faundesen i salim bek rais long husat masn i laik long K1 pe kilo. Ol fama i peim yet 20 toea i go long faundesen ong wan wan kilo rais masin i klinim.

Mista Uremu i tok em i kisim tripela mun bihainim long ol fama i planim rais na em i redi bilong kaikaim.

Wanpela ples klostu long Konga nau i wokim komyuniti rais prosek long kamapim mani bilong wokim ol pamanen haus long ples. Nem bilong ples em long Kapana.

Mista Uremu i tok komyuniti prosek ya i karamapim sikspela hekta o hap graun. Dispela em namba wan komyuniti rais prosek na ol pipel i wok gut wantaim long lukim olsem em i go gut tasol.

Poltri o kakaruk prosek

Long Siwai nau, i gat 36 kakaruk prosek we wan wan kakaruk fama i lukautim. Wanpela prosek tasol em i bilong kisim kiau long em. Ol narapela 35 prosek i bilong lukautim ol pisin long kisim mit long ol.

Liklik mit prosek

Pik em i wanpela long ol abus i stap long top lista long Siwai. Long taim bilong bikpela hevi taim gavman i pasim olgeta sevis, ol pipel i save kilim pik na maketim yet long wan wan ples

bilong ol.

Ol pipel i bihainim pasin bilong ol lain long bipo long ples na rot we ol i save kilim na katim pik. Tasol long nau, Mista Uremu i tok em i soim ol pipel long pasin we ol butsa o ol saveman long katim mit yet i save bihainim long klinim na katim ol hap hap mit.

Olsem na husat pik fama long Siwai i gat laik long mekim dispela wok i kisim trening. Planti lain i laik tru long save long dispela wok na ol i kisim skul long em. Sampela i gat ol bokis ais we i save wok long kerosin. Na ol i save yusim long salim ol hap pik mit ol i katim na dresim gut. Em ol hap olsem pok sops na ol arapela hap mit moa.


Kain liklik wok bisnis i go het strong nau long Siwai.

Kumu, pinat na maket long ol arapela kaikai bilong gaden

Maket long ol kumu, pinat na ol arapela moa gaden kaikai i go het strong nau long hap bilong Konga, Tonu na Korikunu.

SBAF i save helpim ol fama wantaim ol kumu neseri.

Mista Uremu em i tok ol pipel long Siwai i gat strongpela tingting long painim maket bilong galip nat ausait long provins long PNG na ausait tu long kantri. Olsem na em bai go lukluk raun long Kimbe we provins i kirapim pinis wanpela faktori bilong wokim galip nat wel long em.



• Ol pipel long planti hap bilong ailan i lusim kea senta na go sindaun nau long ples bilong ol. Na ol i go insait long wok bilong planim rais gen.

BIRUA MAN

MAN LONG GIVIM BIRUA LONG OL RASKAL

PAPA BILONG DANIEL NA SIMON ...

SIMON, DANIEL!
YUPELA IKAM HARIAP!
OL PAS IKAM !!



AITING OL PAS I MAS BILONG OL KAMPANI HUSAT I BEKIM PAS BILONG YUPELA LONG PAINEM WOK!



SIMON I KISIM GUTPELA NIUS ...

PAPA! MI PAINEM WOK PINIS. MI BAI STAT LONG MANDE ...



NIUS I KAM LONG DANIEL INO GUTPELA TUMAS ...

AH PLIS!



BW 3

STORI LONG NEKS WIK... PAS IKAM LONG DANIEL...

MUSIK NA TELEWISEN

PAPUA NIUGINI



**I KAM LONG
Ela Motors
OL WIL BILONG NESEN**

Sebie na Kiriwina

... Mangi long ples lukim driman bilong em ...

RODNEY KAMUS | raitim |

PLANTI ol yangpela mangi husat i save laikim musik na harim ol ben i save pilai i save kisim ol kainkain driman na tingting olsem wanpela dei, ol laik mekim dispela kain samting em ol narapela i wok long mekim.

Planti ol musik man bilong nau husat i gat nem long PNG musik indastri i gat kain driman olsem na dispela driman i gutpela. Long wanem ol bai bihainim inap driman ya i kamap tru.


Kain singa olsem John Wong, husat i stap olsem wanpela enjinia na namba wan singa bilong kantri long tudei i bin gat kain driman olsem tu long bipo. Nau em i wanpela biknem musikman.

Yangpela Sebedie Dumusi bilong Iwa Ailen insait long Miline Be Provins em wanpela yangpela na nupela atis husat i katim namba wan kaset bilong em wantaim Walter Bay Studio long Mosbi. Em tu i wanpela man husat i bin gat kain driman olsem long rekotim wanpela kaset bilong em na dispela driman bilong em i kamap tru taim em i bungim enjina bilong Walter Bay Studio Terry Kap husat i helpim em long putim dispela album bilong em wantaim.

Sebedie, olsem John Wong na ol narapela singa na musikman i no kisim wanpela save bilong mekim musik long skul tasol dispela save em ol yet i kisim long lukim ol narapela i pilai na ol i lainim ol yet. Sebedie i tokaut olsem em tasol i wanpela man em i lainim em yet na nau em i kamapim namba wan kaset bilong em.

Yangpela Sebedie em i wanpela man husat i save laikim musik na olgeta taim bilong em, em i save yusim long dispela samting em driman bilong em i save pas wantaim olgeta taim. Em yet tu i save traim hat tru long kamapim ol singsing bilong em yet na i no save laik kopim ol singsing long ol narapela lain. Na dispela samting em i painim isi-tru nau long mekim kamap ol singsing bilong em yet.

Dispela kaset bilong em, em i laik tok bikpela tok



tenkyu i go long Tamapu ben bilong Omomatu ples na tu long ol poroman na wantok bilong em long hap bilong Wayouya long ol singsing bilong ol long tokples Trobriands.

Em i laik salim dispela singsing Mina Kebora i go long ol pipela bilong Kitava na Kiriwina na bikpela tok amamas bilong em i go long ol pipel bilong Miline Bay na ol poroman long olgeta hap bilong PNG long sapatim em long mekim kamap dispela namba wan kaset bilong em.

Sebedie i singim ol dispela 10-pela singsing long kaset bilong em long tokples Trobriands, Kiriwina na Kitava.

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- | | | | |
|----|------|------------------|----------------------------------|
| 1 | (1) | Another Night | M.C Sar and the Real McCoy (BMG) |
| 2 | (2) | The Hit List | Cliff Richard (EMI) |
| 3 | (10) | Dookie | Green Day (WARNER) |
| 4 | (5) | No Need to Argue | The Cranberries (ISL/POL) |
| 5 | (1) | Hi Fi Way | You Am I (roo/WAR) |
| 6 | (4) | Smash | Offspring (SHOCK) |
| 7 | (9) | The Celts | Enya (WARNER) |
| 8 | (6) | Pulp Fiction | Soundtrack (MCA) |
| 9 | (12) | Vitalogy | Pearl Jam (EPI/SONY) |
| 10 | (3) | Janet | Janet Jackson (VIR/EMI) |

LONDON TOP TEN SINGLES

- | | | | |
|----|------|-------------------------------------|-------------------------------|
| 1 | (1) | Think Twice | Celine Dion/Epic |
| 2 | (5) | Don't Give Me Your Life | Alex Party/Systematic |
| 3 | (2) | I've Got A Little Something For You | MNB/Columbia |
| 4 | (16) | Push The Feeling On '95 | Nightcrawlers/frr |
| 5 | (21) | The Bomb! (These Sounds Fall..) | Bucketheads
Positiva |
| 6 | (3) | No More I Love You's | Annie Lenno/RCA |
| 7 | (8) | Reach Up | Perfecto Allstarz/Perfecto |
| 8 | (7) | Set Me Free | N-Trance/All Around The World |
| 9 | (4) | Bedtime Story | Madonna/Maverick |
| 10 | (-) | Wake Up Boo! | The Boo Radleys/Creation |

USA TOP TEN SINGLES

- | | | | | |
|----|------|---------------------------|-----|---------------------------------|
| 1 | (1) | Creep | TLC | LaFace Gold |
| 2 | (2) | On Bended Knee | | Boyz II Men Motown |
| 3 | (3) | Another Night | | Real McCoy Arista Gold |
| 4 | (5) | Take a Bow | | Madonna Maverick-Sire |
| 5 | (4) | Always | | Bon Jovi Mercury Gold |
| 6 | (7) | You Gotta Be | | Des'ree Music |
| 7 | (8) | Before I Let You Go | | Blackstreet Interscope |
| 8 | (9) | Sukiyaki | | 4 PM Next Plateau |
| 9 | (6) | Here Comes the Hotstepper | | Ini Kamoze Columbia
Platinum |
| 10 | (10) | I'm the Only One | | Melissa Etheridge Island |

EMTV TELEWISEN

PNG TOP TWENTY

THURSDAY 18TH MAY, 1995	FRIDAY 19TH MAY, 1995	SATURDAY 20TH MAY, 1995
5.30 STATION OPEN	5.30 PROGRAM HIGHLIGHTS	11.00 PROGRAM HIGHLIGHTS
5.47 TRANSMISSION OPEN	5.47 STATION OPEN	11.27 TRANSMISSION OPEN
6.00 ITN NEWS	6.00 ITN NEWS	11.30 THE WONDERFUL WORLD OF DISNEY
6.30 DAYBREAK NEWS	6.30 DAYBREAK NEWS	CENTURY 21 REAL ESTATE GUIDE
7.00 TODAY SHOW	7.00 TODAY SHOW	12.30 WIDE WORLD OF SPORT BEYOND 2000
9.00 STATION CLOSE	9.00 STATION CLOSE	6.00 NATIONAL EMTV NEWS
9.01 PROGRAM HIGHLIGHTS	9.01 STATION RE-OPEN	6.30 HEY HEY ITS SATURDAY
2.57 TRANSMISSION RESUMES	2.53 TRANSMISSION RESUMES	8.30 NCDC NEWS
3.00 KIDS KONA	3.00 KIDS KONA	9.00 WRESTLING
4.00 THE BOOK PLACE	4.00 THE BOOK PLACE	10.00 GILLETTE
4.30 HOT SCIENCE	4.30 HOT SCIENCE	10.30 MARRIED WITH CHILDREN
5.00 WONDER WORLD	5.00 WONDER WORLD	11.00 LOVE & WAR
5.28 EMTV TOK SAVE	5.30 HOME AND AWAY	11.57 MEDIATION WITH PASTOR WALO ARNI
5.29 EMTV NEWS BREAK	6.00 NATIONAL EMTV NEWS	12.00 STATION CLOSE
5.30 HOME AND AWAY (G)	6.30 A CURRENT AFFAIRS	1.00 SUNDAY 21ST MAY, 1995
6.00 NATIONAL EMTV NEWS	7.00 SALE OF THE CENTURY NEWS	7.20 PROGRAM HIGHLIGHTS
6.30 A CURRENT AFFAIR (G)	7.28 LOTTO DRAW	7.50 TRANSMISSION OPEN
7.00 SALE OF THE CENTURY	7.30 NEIGHBOURS	7.52 CHIT CHAT WITH SIR PAULIAS MATANE
7.28 LOTTO DRAW	8.00 AUSTRALIA'S FUNNIEST HOME VIDEO SHOW	8.00 BUSINESS SUNDAY
7.30 NEIGHBOURS	8.30 FRIDAY NIGHT FOOTBALL	9.00 SUNDAY
8.00 FIZZ	10.52 EMTV TOK SAVE	11.00 WIDE WORLD OF SPORTS
9.00 CATS & DOGS	11.00 RAVEN	
9.30 THE FOOTY SHOW	12.00 NATIONAL EMTV NEWS REPLAY	
10.30 A CO PRACTICE	12.27 MEDITATION WITH PASTOR WALO ARNI	
11.57 MEDITATION WITH PASTOR WALO ARNI	12.30 STATION CLOSE	
12.00 STATION CLOSE		



NO.	SONG	ARIST
3	(1) Rama Eno	Tarikana
1	(2) Confuse Mangi	Jr. Kopes
9	(3) Butterfly	Hollie Maea
2	(4) Rabaul I Tapnang	Charles Kioovon
5	(5) Tariga Iau	Painim Wbk
4	(6) Dust Over Rabaul	Wong/Bowman
6	(7) Kantri Blong Yumi	Reks Band
14	(8) Red Eyes	JR Kopex
7	(9) Pulim Win	Greg/Telek
10	(10) Wopa Country	Bongas
11	(11) Rabaul Town	Barike
8	(12) Elisa	Sauga Band
12	(13) Swit Heart	Painim Wbk
13	(14) Gomang Na	Bongas
15	(15) Lalohadai	Dokona
16	(16) Bagawauraidia	Dokona
0	(17) Rabaul Mi Cry	Basil Greg
17	(18) Ia Anna	Raymond Rangatin
19	(19) Hungara Singa	Crew 5
20	(20) Askom Askom	Chako Chako

* Ratings based on requests on Radio Kalang and not cassette sales.

ELA MOTORS - OL WIL BILONG NESEN



Big Bro REBO



Spak MAIK



Ol ka mas yusim ol stretpela taia

ASKIM i go nau long papa bilong ol trak na PMV long yusim ol stretpela taia. Askim igo stret long ol lan save ron namel long Lae na Madang wantaim hailans. Bikos nau yet rot i no gutpela tumas we i ken bagarapim taia bilong ol ka hariap.

Papa bilong ol trak na PMV i laik yusim ol taia we i no kos bikpela mani. Bikos ol i ting olsem ol i nogat inap mani long baim ol taia we i kos moa mani. Tasol ol taia we i kos moa mani bai stap longpela taim.

Jenerel Menesa bilong Dunlop (PNG) Pty Ltd, Jeremy Kettle i tok ol lain save ronim PMV na trak namel long Madang na Lae na hailans i no painimaut gut long wanem kain taia ol i ken baim, we i ken stap longpela taim. Na ol bai sevim mani long wok bisnis bilong ol.

"I gat kankain taia we i makim wanem kain rot ol trak na PMV i mas yusim sapos ol i no laikim taia bilong ol i bagarap hariap. Dispela em ol taia we i

gat kankain mak antap long ol. Olsem na dispela em i wanpela bikpela samting em papa bilong ol trak na PMV i mas save," Misata Kettle i tok.

Dunlop (PNG) i sanapim pinis wanpela opis bilong em long Madang. Na i karimaut nau wanpela pablik aweanes kempen long skulim ol pipel long wanem kain taia ol i ken yusim, bihain ol bagarap long rot. Dispela em i wanpela rot sefti progrem bilong kampani.

Dunlop (PNG) em i wanpela kampani husat i save salim ol nambawan taia. Na em i namba wan taia kampani long skulim papa bilong ol ka long wanem kain gutpela taia ol i ken baim. Dispela bai helpim ol pipel long yusim gut mani long baim stretpela taia. Na yu i ken lukautim sefti bilong ol long rot.

"Mipela laik tok olsem ol stil belted rediel taia i gutpela we papa bilong ol ka i mas baim. Bikos ol bai stap longpela taim. Na tu i gutpela

long ol kain rot bilong Papua Niugini," Mista Kettle i tok.

"Tru olsem em bai kos moa mani, tasol helpim bilong ol dispela taia long longpela taim bihain i gutpela. Bikos ol bai stap longpela taim. Na bai mekim moa wok we ol bais plao taia i no inap long mekim".

Ol stil belted taia i kol long ron long rot na bai i no inap flat o slek hariap. Na tu em i gutpela long yusim long taim bilong ren na san wantaim, we ol pasindia na draiva wantaim bai pilim gut taim ka i ron.

Dunlop (PNG) i salim tu ol arapela samting, na i no taia tasol. Tasol em i gat kankain taia we i gutpela long yusim insait long kantri.

"Wok bilong mekim mani long tude i hat tumas, tasol mipela i tingting long mekim mani long go hetim bisnis wok bilong ol. Tasol mipela tingim tu sefti bilong ol kastoma bilong mipela. Na tu long givim pablik gutpela prodak we ol i ken yusim gut na sem taim sevim mani," Mista Kettle i tok.



• Lae nau i kamap wanpela gutpela ples bilong mekim bisnis.

Morobe gavman skruim wok bilong nesanel gavman

MOROBE provinsal gavman i stat nau long saplaim mani long karimaut ol wok bilong nesanel dipatmen na gavman bodi. Bikos nesanel gavman i no inap mani long mekim ol dispela wok.

Provinsal gavman i bin mekim sampela senis long provinsal baset na tokaut long dispela. Primia Titi Christian i tokaut long baset na tok K500,000 na go daun em ol i makim long dispela.

Nesanel Gavman i bin tokaut long baim Lae Siti Atoriti K2.3 milien long stretim ol rot long siti. Tasol em i nogat mani na provinsal gavman i baim dispela mani.

"Long stat bilong dispela yia, provinsal gavman i tekova long wok bilong pisikel plening wantaim bilong kisim bek sampela graun na stretim long sanapim bisnis wok. Insait long baset we i gat senis em provinsal gavman i makim K35,2523 long dispela wok," Mista Christian i tokim Tutumang olsem.

Long sosel sekta, provinsal gavman i makim moa long K300,000 long sapotim ol AusAID pro-

grem na projek wantaim Angau haus sik.

Aut pesen seksen bilong Angau haus sik wantaim klinik long taun i nogat inap wokman meri. Bikos nesanel gavman i no inap saplaim mani bilong kisim wokman meri.


Trenspot na infrastraksa developmen, na jada ejen bilong nesanel gavman we save saplaim ea na marin sevis long ol rurel eria bilong Morobe i stapim wok bilong em long 1990. Bikos i nogat inap mani.

"Dispela sevis i bin gutpela tru long bringim sevis i go long ol pipel bilong mipela long rurel eria olsem long helpim ol sikman meri na pikinini," Mista Christian i tok olsem taim baset i redim sampela mani bilong dispela wok.

Long baset toktok bilong Peter Namus, provinsal minista bilong woks na minista bilong gavman sevis, em i tok provinsal gavman i redim tu sampela mani long sapotim wok bilong ol plisman. Dispela em long lukautim lo na oda insait long Morobe provins.

20 FOOT CONTAINER SERVICE

Your North Coast Cargo Service



LAE/MADANG/
WEWAK/
VANIMO and
ORO BAY
Return Every
Week

25 TON SINGLE
LIFT CAPACITY

LUSHIP

LAE - LUSHIP
MADANG - LUSHIP
WEWAK - SEPIK COASTAL
VANIMO
ORO BAY

Ph: 42 2066 Fax: 42 5806
Ph: 82 2577 Fax: 82 2180
Ph: 86 2578 Fax: 86 2795
Ph: 87 1143 Fax: 87 1272
Ph: 29 7268 Fax: 29 7467

Telex: 44172
Telex: 82726
Telex: 86 123
Telex: 29189

P.O. Box 1549
P.O. Box 789
P.O. Box 118
P.O. Box 167
P.O. Box 77



Ol rot bringim moa divelopmen long Morobe

Ol rot

OL rot bilong Morobe provins bai mekim moa bisnis wok i kamap long provins. Okuk Haiwe i bungim Lae, biksiti bilong Morobe wantaim 5-pela hailans provins.

Rot i bungim tu Lae na Madang

Lae i bung wantaim 4-pela edministretiv distrik. Nem bilong ol dispela distrik em Kaiapit, Menyamy, Mumeng na Wau.

Rot i bungim tu Lae wantaim ol sab distrik olsem Aseki, Boana, Bulolo na Wantoat. Rot i bungim tu Lae siti wanaim Bukawa eria.

Bisnis wok long provins

Morobe i gat planti graun, pipel na ol samting bilong graun na solwara. Na Makam i gat bikpela hap graun we i gut-pela stret bilong mekim agrikalsa wok.

Praimeri industri

Provins i gat bikpela sans

long kamapim grikalsa na praimer i industri. Tasol nogat bikpela wok i kamap long dispela tupela kain wok. Ol projek i kamap pinis em bilong lukautim kau, planim gaden kaikai, lukautim pukpuk na kakaruk wantaim pik, kopi, kopra na kakao, painim pis, timba bilong salim long ol ovasis kantri na kapenta wok long ol sia na tebol samtinb bilong haus na opis.

Sekenderi industri

Ol sekenderi bisnis we i save stap long Morobe prprovins em bilong redim ol mit bilong salim, faktori bilong wokim ol bia, glas, smok, loliwara, flaua, nudels na na kopi.

Forestri

Morobe provins i gat 500,000 hekta hap graun we i gat planti diwai. Na industri i ken kamapim 25 milien kubik mita timba. Ol biknem fores eria insait long provins em Wu,

Bulolo na Umboi long Siasi. Long 1954, ol wokman i bin planim diwai long 17,870 hekta eria olgeta long Wau Bulolo. Planti bilong dispela ol diwai em ol klinkii pain, em ol save katim nau long mekim plaiwut. Morobe tasol save kamapim na salim long ovasis ol plaiwut em ol save mekim long PNG Fores Prodak long Bulolo.

Maining

Long sait bilong maining risoses, Morobe provins i gat ol minerel risoses olsem gol na silva. Kromait na kol em narapela tupela minerel we i ken bringim moa mani wantaim divelopmen long go insait long provins.

I gat 6-pela minerel long Morobe em ol saveman i kisim na painim nau insait long provins. Nem bilong ol emgol, silva, nikel, kromait, kopa na kol. Provins i gat ol arapela liklik minerel tu.

Eria we i gat planti gol stret em long Wau eria.

Morobe golfil

Arthur Darling em i namba wan man long painim gol long Morobe golfil long Wau Bulolo eria. Dispela em long stat bilong yia 1910 long Bulolo Riva, klostu long wanpela liklik wara ol i kolim Koranga.

Wok bilong kamautim ol dispela gol i stat long 1922 taim William (Sharkseye) Park i painimaut gen long ol dispela gol, bihainim ripot bilong Arthur Darling. Na wok long golfil i bin stat taim Bulolo Gold Gredging (BGD) i kisim tupela balus ol i kolim G-31 long Epril 1931. Hevi bilong wanpela bilong dispela tupela balus em 8600 kilogram. Long 1933 BGD i baim wanpela moa wankain balus. Namel long 1937 na 1938, planti balus save pundaun na kirap long liklik ples balus long Wau. Dispela i

winim tru ol arapela ples balus long wol long dispela taim.

Wau ples balus i brukim narapela rekot tu bilong kago. Moa kago save lusim ples balus, na tu go insait long Wau. Hevi bilong olgeta kago wantaim i winim bilong olgeta ples balus long Australia.

Ripot i tok Morobe provins i bin operetim wanpela namba wan aviesen industri long wol.

Long dispela taim, Wau taun i wok long groa long wok maining bilong painim gol na silva. Wau i pulim planti ovasis maining kampani. Bikos prais bilong ol metal long dispela taim i antap tru. Na tu i nogat ol maining kampani long PNG long dispela taim.

Tasol long Janueri 21, 1942, olgeta tripela G-31 balus i bin bagarap. Dispela em long taim bilong woa, taim ol ami balus bilong Japan i bomim ol.



LAE BISCUIT COMPANY

is

The only 100% nationally - owned biscuit manufacturer in PNG. We specialise in the manufacturer in PNG.

We specialise in the manufacture of our famous bikpela na strongpela Navy Biscuit - Naturally Better.



• Lae Siti Atoriti statim pinis wok bilong stretim ol rot long riti em i bin bagarap. Bikos dispela hevi i bin givim hevi long ol manmeri na bisnis kampani long siti. Bikos ol rot i gat planti hul, ol manmeri i givim nem long siti olsem "Pot Hole Siti".



Husat i kilim man i mas dai tu

Dia Edita,

Mi laik sapotim pas bilong brata William Sereso. Brata William i tok olsem hangamapim ol trabelman husat i kilim nating ol gutpela pipel.

Mi laik tok olsem gavman i mas kamapim strongela lo bilong hangamapim ol bikhet man olsem.

Sapos ol i kilim nating man ol tu i mas dai bikos ol i bagarapim bilong narapela man. Ol i no kilim wanpela pik na dok. Em ol i kilim man wanem kain olsem ol yet. Olsem na mi sapot tru olsem ol tu i mas dai.

I no gat wanpela man i gat rait long rausim laip bilong narapela man.

I no gutpela long putim ol long haus kalabus bikos em yumi wok long sevim ol wantaim braun rais na tin pinis long kaikai na kisim strong i stap. Na trangu famili bilong man i dai i kisim bikpela wari i stap bikos wan-

pela man i dai nating long han bilong narapela man. Olsem na i no ken sevim ol. Ol trabelman tu i mas i dai.

Mi askim gavman long sanap strong long dispela lo bilong kilim man husat i kilim narapela man i dai.

Lo bilong kantri i mas strong long dispela samting bikos olgeta manmeri i stap aninit long lo na lo i mas was long ol. Husat i laik kamap bikhet moa, lo tu i mas mekimsave long em.

Dispela kain man i soim olsem laip long ples graun i no bilong ol. Olsem na ol i mas raus long graun tu bai ol arapela gutpela manmeri i ken sindaun gut na painim amamas wantaim famili bilong ol wanwan.

Em tasol liklik tingting bilong mi na husat i laik skruim antap em welkam tasol bai mi tu i ken lukim.

**Joseph Lamanga
MOSBI**

Painim wantok

Dia Edita,

Mi painim wanpela brata bilong mi. Nem bilong em Taren Panuyaba.

Bipo em i save wok long SIL long Kainantu, Isten Hailans provins tasol mi harim olsem nau em i bin go stap wok long Ramu Suga. Tasol mi no save gut long adres bilong em long raitim pas olsem na mi raitim pas long Wantok niuspepa i ken helpim skurim toktok bilong mi i go klostu long em.

Plis husat pren o wantok i save long dispela brata bilong mi orait raitim pas na tokim mi.

Adres bilong mi em;

Neil Puanjamo

HOPPL c/ PO Box 28, Popondeta

Neil Puanjamo

POPONDETA

Pait save kamap long pasin paul

Dia Edita,

Mi laik sapotim pas bilong brata Alois Kenenga bilong Kundiawa i bin kamap long Wantok 4 Me, 1995.

Brata Alois, wanem samting yu tok tok em i tru. Mi bin marit na stap tu long Simbu na mi lukim dispela pasin ol yangpela meri na maritmeri tu i save grisim ol wokman long kisim mani bilong ol bihain.

Pait i save kamap long yangpela meri na maritmeri i save grisim ol yangpela man na tu ol maritman. Mi no inap toktok tasol mi yet i save lukim long ai bilong mi.

Taim ol lain i sindaun long pilai kas long nait i go long moning, ol i go paul nabaut na bihain bai bikpela toktok i kamap na pait i bruk.

Mi laik tok olsem i gutpela long yumi ol lain bilong Simbu i senisim pasin bilong yumi bikos planti arapela provins ol i senisim pasin bilong ol pinis. Na tu ol arapela lain long ausait provins i kam stap na lukim dispela pasin na ol bai toktok beksait long mipela.

Mi save lukim tu long taim bilong Sande, bihain long lotu bai ol i go sindaun long wanpela hap kona na singaut long wan sot. Taim olgeta i harim pinis na ol bai go bung na sutim kas.

Plis yumi ol lain long Simbu i mas yusim het bilong yumi nau na senisim pasin bilong yumi. Komyuniti na bai kamap gutpela sapos yumi yet i senisim ol samting long nau.

Em tasol wari bilong mi na husat i laik egensim o sapotim em laik tasol.

**Bombye Arawi
GOROKA**

I no olgeta Dagua save kalap long Mosa bas

Dia Edita,

Mi laik bekim na egensim pas bilong wanpela brata i bn kmapa long Wantok long Februari 9 long dispela yia.

Brata i bin komplem long ol Dagua save pulapim bas bilong Mosa komyuniti gavman na raun na ol mas putim nem olsem Dagua Komyuniti Gavman.

Brata mi wanpela manki Dagua i stap long Kimbe na mi no wanbel wantaim yu long dispela pas yu mekim bikos yu no inap lukim olgeta Dagua bilong wan wan sab divisen i pulapim dispela bas bilong MKG na raun raun nabaut.

Planti ol Dagua em ol gutpela lain ol i gat wan kain komplem olsem yupela gat na tu plis no ken rait na putim nem bilong Dagua insait long ples bilong yupela.

Sapos yupela laik autim komplem bilong yupela, orait plis raitim stret bilong wanem man yupela oltaim i save lukim pes bilong em long bas na raitim sub divisen na blok namba bilong em na salim long Wantok bai em i ken lukim stret nem bilong em. Taim yupela laik rait plis yusim het bilong upela long gutpela tingting na rait. Yu save no gut yu rait olsem waitman na kisim bekim olsem blakman.

Em tasol toktok bilong mi.

**Iruhanip Borukur
KIMBE**

Gavman mas sapotim gut sios

Dia Edita,

Mi laik autim bikpela wari bilong mi i go long nesanel gavman bilong mipela long i mas traim long givim sapot long ol sios bilong mipela insait long PNG.

Mi lukim ol sios i mekim bikpela wok tru long autim tok bilong God na traim long bungim ol manmeri gut aninit long gutpela pasin na lait bilong bikpela.

Ol sios i save traim long bungim ol yangpela insait long wok bilong yut na tu skulim ol long gutpela sindaun long komyuniti.

Tasol mi lukim olsem olgeta dispela wok bilong sios inap kamap gut sapos ol i kisim gutpela helpim long gavman wantaim mani bilong baim ol samting bilong ol yut i kamapim ol liklik wok projek insait long komyunit. Na dispela inap helpim ol long yusim taim bilong ol long gutpela wok we ol yet i ken helpim ol yet long ples.

Olsem na mi askim gavman long lukluk long dispela na kamapim kain helpim wantaim sios. Mi lukim planti wok bilong gavman long bungim ol yangpela

na tu kamapim gutpela sindaun long komyuniti i no karim kaikai. Planti bikhet pasin, stil, kilim man, smok no gut na planti arapela moa i wok long kamap yet.

I no gat stop long ol dispela samting. olsem na i ting gavman i mas lukluk i go insait long wok bilong sios na sapotim ol long kamapim dispela samting.

Tok bilong God i go wantaim wok bai gutpela sindaun na amamas i kamap.

**Sem Pandita
KIMBE**

Kimbe pmv bas i no mekim gut wok

Dia Edita,

Mi laik autim bel hevi blong mi i go long ol draiva bilong pmv bas long Kimbe. Em long ol rut 4 bas bilong Sarakolok.

Bel hevi bilong mi em sut i go stret long draiva bilong Malso bas bilong Sarakolok. Olgeta taim em i save lusim ol pasindia wantaim ol kago bilong ol long hap rot tasol na i no save kisim ol i go olgeta long hap ol i laik go long em.

Mi wanpela meri em i bin lusim mi wantaim ol

planti arapela lain long hap rot. Taim bilong ren tu em i no inap long marimari long ol pasindia manmeri long bas.

Brata yu ting taim yu dai bai yu karim dispela bas bilong yu na go wantaim?. Yu mas tingim ol samting bilong laip pastaim long yu go het na mekim ol kain bikhet pasin olsem long ol manmeri na komyuniti.

Mi askim tu ol atoriti i lukautim wok na ron bilong ol pmv bas insait long Kimbe taun long

lukluk gut long dispela kain bas na mekim save long ol. Rausim laisens bilong ol na sasim ol long mekim ol dispela kain pasin long ol pasindia.

Ol i no kisim laisens long tromoi ol manmeri long hap rot na hariap long go bek na painim pasindia bilong painim kwik mani.

Dispela em wanpela bikpela hevi bikos dispela kain pasin tu inap kamapim trabel na hevi long ol pasindia long hap rot. Sapos bas i

lusim ol longwe long ples o blok na ol i bungim birua long rot, dispela bai kamapim moa hevi insait long komyuniti.

Olsem na ol pmv bas i kisim laisens aninit long nem pmv long sevim ol pasindia gut long wanpela hap ples i go stret long narapela hap ol i laik go long en.

Em tasol wari bilong mi na husat arapela brata na susa i laik bekim em laik tasol.

**Angela Matu
KIMBE**

Lo bilong man pulim moa sapot

Dia Edita

Mi laik sapotim toktok bilong brata William Seveson long Wantok Niuspepa em i kamap long Februari 23. Brata ia i tok ol lo man i mas mekimsave long ol trabel man husat i kilim nating narapela man i dai. Dispela ol trabel man i kilim nating ol narapela manmeri i no gutpela tumas. Man i no wel abus we ol i ken kilim isi tasol.

Tupela mun i go pinis ol raskol i kilim nating wanpela biknem redio man John Bili Tokome na bagarapim Camilus Narokobi. Dispela i no wanpela gutpela pasin long mi na planti ol narapela manmeri tu. Sapos lo i pasim maus tasol na i no mekim wanpela samting, ol trabel man bai mekim planti moa trabel olsem kilim man i dai na repim ol meri. Na mi lukim olsem i nogat narapela kain we bai stopim dispela kain pasin. Dispela em pasin bilong graun na bai stap inap graun i pinis.

Olsem na mi sapotim tru Seveson Moresri long mekim save long ol lain husat i mekim ol dispela kain pasin. Sapos man i kilim narapela man nating, kot i mas painim dispela man na kilim em tu. Noken lusim em i stap laip taim em i bagarapim gutpela laip bilong narapela man nating.

**Mal M Sasuara
Wewak**



Ol rot bilong abrusim sik malaria

HELEN REI i raitim

Ol i kolim ol natnat we i save kamapim sik malaria long anafilis moskito o natnat.

Ol i save kaikai man long apinun tasol taim i laik go tudak na long biknait. Long ol planti ples longwe long taun, i gat bikpela hevi long ol manmeri na pikinini long kisim sik malaria taim ol natnat i kaikaim ol bihain long 12 kilok biknait. Ol moskito we i save kaikaim man long san i no karim sik malaria.

Rot bilong luksave long ol malaria moskito em long kain sindaun na kaikaim bodi bilong man. Na tu bai yumi luksave long bodi na maus bilong em i sanap stret wantaim bodi bilong em. Maus bilong ol narapela natnat bai i sut i go daun.

Wanem rot yumi bihainim long abrusim sans bilong natnat i kaikaim man bai i daunim tu sans long kisim sik malaria. Narapela rot long daunim sik malaria em long kisim marasin wanpela taim insait long wanpela wik long stapim kamap bilong sik malaria. Ol i kolim pasin bilong kisim marasin long stapim sik malaria long failaksis. Hia nau ol tokaut long ol long dispela rot.

SAMTING BILONG MEKIM LONG ABRUSIM NAT-NAT (ANTI MOSKITO MESA)

Bilong lukautim yumi yet long ol natnat we bai i givim yumi sik, yumi i mas putim ol kolos wantaim longpela han, longpela trausis na soken. Yumi mas yusim ol sprewe bai i ranim ol moskito long no ken kaikaim

yumi. Haus tu i mas gat plaiwaia long ol windua, luvass na dua. Ekondisen tu i gutpela long rausim ol moskito we i karim sik malaria. Moskito koil na ol arapela samting olsem i gutpela long rausim ol moskito na ol ino ken kam insait long haus. Long rausim ol moskito we i pas insait long moskito net, yusim motin na ol arapela sprewe long kilim dai ol moskito na ol arapela insek. Tasol ol sprewe samting ya i dia tumas long ol pipel husat i save stap longwe long taun long baim.

I gutpela long yusim ol moskito net

sampela taim tu ples we wara i pulap stap long em long ples na taun em i ples bilong ol moskito i karim kiau na go planti. Long daunim sik malaria mipela i mas rausim wara long dispela hap na pulapim bek wantaim graun.

TAUNAM

Long bipo yet man i yusim moskito net o taunam long abrusim natnat i kaikaim blut long nait. Taunam i save lukautim tu man long abrusim ol arapela samting we i save raun long haus long nait olsem spaيدا, kokros, bitel,

pela liklik hap i op istap, em bai givim sans long moskito long go insait.

Sprewe moskito net long rausim ol moskito na ol arapela insek.

TAUNAM I GAT MARASIN

Dispela em wanpela kain rot we yu ken putim marasin long taunam na ol binatang o natnat i sindaun antap long taunam bai ol i dai kwiktam. Dispela inap sevim olgeta lain husat i slip insait long dispela taunam. Strong bilong marasin ya long tau-

sevim ol liklik pikinini bikos taim ol pikinini i kisim sik, bikpela hatwok tru i save kamap.

Na tu dispela kain taunam i gat marasin i ken kilim indai ol binatang olsem musmus, laus, natnat na arapela binatang moa. Ol i ken indai olgeta na pinis long haus.

ROT BILONG PUTIM PEMETRIN MARASIN LONG TAUNAM

Toktok bilong Wol Helt Ogenaisesen (WHO) i strong long yusim gut dispela

bilong yusim dispela pemetrin marasin na taunam, yu ken lukim ol helt woka long provins bilong yu o yu ken askim long helpim long Malaria Unit long Dipatmen bilong Helt PO Box 3991, Boroko, NCD long kisim gutpela tingting bilong yusim marasin ya long taunam bilong yu.

ROT BILONG STRETIM BIKPELA TAUNAM

(Mak ya em bilong 10-pela taunam) Kapsaitim 250ml insektisaid imalsen i

yu ken opim taunam ya na putim antap long sel ya long em i dai. No ken putim stret long ai bilong san. Em i mas stap long ples hait liklik inap em i drai. Taim em i drai liklik, yu ken hangamapim long lain. Het bilong tanam i mas go antap stret olsem yu save hangamapim long haus long taim bilong slip.

ROT BILONG STRETIM LIKLIK TAUNAM

Wanpela taunam i mas go pastaim long bikpela plastik bek. Kapsaitim olsem 25ml insektisaid imalsen long 400ml wara na tanim wantaim taunim long bek. Pasim ai bilong bek na presim long ausait inap marasin ya i wasim gut taunam insait long bek ya. Yu ken stretim taunam antap long mat o wanpela bikpela sel samting long em i ken drai. Rausim bek ya hariap long ol liklik pikinini o enimal olsem dok na pusi i no ken tasim bek ya.

MALARIA PROPHYLAXIS: DOES PER KG BODYWEIGHT

DRUG	frequency	Children						Adults	
		3-5 kg	6-9 kg	10-14 kg	15-19 kg	20-30 kg	31-50 kg	under 50 kg	over 50 kg
Chloroquine tablets (150 mg base)	weekly	1/8 tab	1/4 tab	1/2 tab	1/2 tab	1 tab	1+1/2 tabs	1+1/2 kg	2 tabs
Chloroquine syrup	weekly	5 ml	7.5 ml	10-15 ml					
Amodiaquine (100 mg. chewable tablets)	weekly	1/4 tab	1/2 tab	1 tab	1 tab				
Maloprim tablets (112.5 mg. only with chloroquine)	weekly				1/2 tab	1/2 tab	1 tab	1 tab	1 tab
Proguanil tablets (100 mg. in combination with chloroquine)	daily	1/4 tab	1/4 tab	1/2 tab	3/4 tab	1 tab	1+1/2 tab	1+1/2 tab	2 tab
Mefloquine (250 mg)	weekly		1/8 tab	1/4 tab	1/4 tab	1/2 tab	3/4 tab	3/4 tab	1 tab
Doxycycline (100 mg)	daily					1/2 tab	3/4 tab	3/4 tab	1 tab

long ol haus we i gat bikpela open spes long slip long en. Planti pipel long PNG husat i stap long ol hap sik malaria i bikpela i save yusim ol moskito net.

Stapim ol moskito long go planti:

Ol moskito we i karim sik malaria i save stap na karim moa pikinini long hap we igat ol nogut deti wara na long ol swam, ol raunwara, long ol sait bilong ol wara na long ol hap we ren wara i stap long en. Bikos planti ol kain ples long ol moskito i karim kiau na go planti, em i hat long rausim ol. Long

geko, snek, rat na ol arapela insek moa. Ol save wokim ol moskito net long ol kain sais. Sapos yu laik baim natnat, baim dispela bai i karamapim gut olgeta bodi bilong yu. Baim dispela we ol i mekim long koten bikos em bai stap longpela taim liklik.

ROT BILONG LUKAUTIM TAUNAM

Sapos moskito net i gat hul, somapim kwiktam. Putim gut net na noken larim wanpela hap i op long ol moskito i go insait. Sapos wan-

nam bai i stap inapi 6-pela mun olgeta. Bihain yu ken wasim taunam na putim dispela pemetrin marasin ya gen long taunam na yusim inap narapela 6-pela mun. Strongpela marasin ya i stap inap 6-pela mun olgeta.

Taunam i gat dispela marasin i gutpela long yusim insait long komyuniti we ol liklik pikinini na mama i gat bel i ken slip insait long abrusim kain sik bilong malaria. Dispela em gutpela bikos bikpela samting em kain taunem em gutpela long

pemetrin marasin long olgeta taunam we famili i save slip aninit long en. Ol i makim olsem kapsaitim 0.5 grem pemetrin long wanpela skwea mita bilong natnat. Putim inap wara na marasin ya long skelim antap long wan wan taunam. Dispela tingting en ol i makim long kain taunam sais em 12.5 mita we olgeta famili i ken slip aninit long en. Dispela pemetrin marasin em i stap long ICI Dulux stua long Lae we ol manmeri ken go na baim. Sapos yu laik kisim moa tingting long rot

go long glas i gat mak long en, skelim wantaim 4 lita wara na tanim. Bihain long yu tainim, bai yu lukim olsem ai bilong wara i kamap olsem susu. Bihain yu ken putim wanpela taunam i go insait long marasin wara ya. Putim wanwan taunam na i no olgeta long wanpela taim. Werim sampela kain banis long han bilong yu taim yu holim taunam na putim i go insait long marasin ya. Bihain long yu tanim taunam insait long marasin wara ya, yu ken draim. Putim wanpela bikpela sel i go aninit na bihain

FE KILN DRYED TIMBER

100 x 25 Kwila Flooring K1.90 1/m.
100 x 25 R/Wood Panelling K2.95 1/m

MOULDINGS

100 x 25 Flooring T&G
150 x 25 weatherboard
20 mm Quad and square
50 x 25 Architrave
100 x 25 Architrave
42 x 12 Door stops
32 x 12 Flywire battens
150 x 50 window sill

DAR TREATED

75 x 50
100 x 50
150 x 50

Based on random lengths
All other sizes available
immediate delivery.

Phone: 42 4879
Fax: 42 5494

BUK BILONG OL SEVISIS

* COFFEE MACHINERY

Montale Pty Ltd Ph: 72 2611
Fax: 72 2612

Mipela Agen bilong Pinhalense Kopi Masin. Pulpers, Driers, Hullers, Destoners, Gravity Separators, Elevators na sampela moa.

Olgeta Kopi masin em mipela i gat inap. Kam lukim mipela nau mipela inap helivim yu.

ELECTRONIC

PAPA BILONG OL TV SAPOS TV BILONG YUPELA I BAGARAP SEKIM WANTAIM MIPELA

O KAM NA LUKIM MIPELA LONG OLGETA LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.

We are located at the corner of wards road and Spring Garden Road, Hohola.

P.O. BOX 3572 BOROKO, N.C.D. PHONE 25 1952 FAX 25 4743

HAIR & BEAUTY

TREND'S

We wholesale retail large range of black hair & beauty products. We also sell hair pieces, hair equipment.

Ground Floor
Land Mark Building
Reke St Boroko
Phone/Fax: 255894
PO Box 3239 Boroko

SIGN WRITING

PUNSIU SIGNWORKS

Signs on cars, trucks, buses, billboards, notice boards.

Phone: 45 7813

REFRIGERATION & AIRCONDITIONING

FOR FAST GOOD QUALITY SERVICE

Call Bata's refrigeration, airconditioning & appliance service on Telephone:
25 8074 or Fax: **25 8588**

TIMBER SALES

TRANSWORLD TRADING (PNG) PTY LTD
The Blue Truck Timber Company
Dla Kastoma,

Mipela i redi long wokim whole-haus baim bilong yu.

Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.

Na sistem i wok olsem: Yu baim. Na bai mipela kisim olgeta samting long haus bilong yu kam.

Ringim mipela long telipon na feks namba **25 5314 (Erima Timber Yard)**

SECONDHAND CLOTHING

TOP GRADE PAYLESS

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs).

Household, shoes & toys also available, limited stock. 50 kgs mixed bale @ K165. Only with Lucky Draw. Phone 25 1477 Fax: 23 2895.








Location: Opp. Hiritano Electrical next to Gaby Fashion Varahe St., Gordons

PRINTING

PUNSIU SIGNWORKS

Painting, Signwriting and Screen Printing

For more information call 45 7813



Yu ken edvetais hia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.



Sapos yu laik advertais, telepon 25 2500 na askim long
Phone: Miri Aiori Ext. 214, Jack Mahuru Ext. 217, Joe Naime Ext. 218

PABLIK NOTIS



GAZELLE RESTORATION AUTHORITY



PROJECT IMPLEMENTATION UNIT

TENDER

On behalf of Gazelle Restoration Authority (GRA), invitation is hereby given to those road sealing contractors registered with the East New Britain provincial government to tender for the following road resealing contract:

CONTRACT NO. GRA-8M-07WB

Documents are priced at K70 for one (1) copy and K75 for any additional copies. Documents are available from the Provincial works coordinator, and technical services at Vunadidir.

Tenderers should pay for the documents at our revenue office opposite Kokopo Golf Club, Kokopo town on Vote 604-15 and present their receipt on collection of documents.

Tenders close at 12.00 noon
on 14th July 1995.



ATZERA RURAL COOPERATIVE PTY LIMITED GARAM FARMING STATION, KAIAPIT, MARKHAM VALLEY P.O. BOX 1611, LE PNG

NOTICE IS HEREBY GIVEN that the Annual General Meeting of Shareholders of the above company will be held at Garam Farming Station, Kaiapit on 30th June 1995, at 10.00 am.

AGENDA

1. To confirm appointment of existing directors, and to nominate and elect the following people as directors:
Kelly Bimpuaf (Onga-Wafa), Gami Umpits (Yaros), Steven Mabon (Leron-Wantoat), Michael Quasu (Ufim), Salpa Garasung (Gama), and Wanti Wayam (Makim of meri) and Abraham Wayum (Aman)
2. To consider and if thought fit, pass a resolution to ratify and confirm, all resolutions, decisions and actions of the company's directors in their administration of the affairs of the company to the date of this meeting.
3. To consider the current financial position of the company.
4. To resolve, in pursuance to Section 174 (1) of the Companies Act not to appoint auditors for the ensuing year.
5. To transact any other business which may be brought before the meeting of which due notice has been given.

By Order of the Board of Directors.

DAVID NORMAN
(Secretary)

PAULUS V. OZIRA UZZIR
(Chairman)

A member entitled to attend and vote at this meeting, is entitled to appoint a proxy to attend in his stead and the proxy need not be a member of the company.

Proxy forms must be deposited at the registered office of the company not less than 48 hours before the time for holding the meeting.

All shareholders and non-shareholders are welcome to attend this AGM.



DIPATMEN BILONG LEN TRENSPOT

PABLIK TOK SAVE

PMV PRAIS GO ANTAP



Olgeta pablik manmeri long Lae na Mosbi baim ekstra 10 toea na 20 toea taim ol i kalap long PMV bas insait long siti. Dispela senis bai stat long Jun 30.

Long dispela taim yet ol manmeri i save baim 30 toea long Lae na 40 toea long Mosbi taim ol i kalap long ol PMV bas. Dispela prais em bilong 1988 yet.

Siaman bilong National Land Transport Bod, Mista Manzau Yanga i tokaut long dispela senis long namba wan bod miting bilong dispela yia na i winim sapot bilong mekim senis ya i kamap tru.

Em i tok dispela senis long apim ol bas fea i go antap bai kamap tru long Jun 30.

Prais bilong PMV bai i go antap tu long ol ron bilong PMV long ol ples long Sentrel, Morobe na Wes Nu Briten provins. Ol ripot long senis bilong PMV fea i stap long wanwan Provinsal Len Trenspot Bod opis. Bod i bin orait long prais bilong ron insait long ol ples tu i mas go antap.

Siaman bilong Bod i tok dispela senis long ol bas fea i go antap em bikos long helpim ol papa bilong PMV na bas long ranim gut sevis bilong ol na abrusim hevi bilong mani insait long kantri nau we prais bilong planti samting i go antap pinis.



MANZAU YANGA

Siaman

National Land Transport Board




• Volibal tim bilong Wewak. Ol i kamapim bikpela salens tru long Is Sepik provinsal spot tonamen.



• Roosje Suwai bilong Guria i ron long sait na traim stopim pilaia bilong Moukasi long Bisini soka graun.



• Ol susa bilong Mushu. Dispela tim bilong ol meri i save brukim leg long vanimo kantri soka long olgeta wiken. Ol meri bilong Watex, Lido na Waromo i mas was gut. Poto: Stan Ranga.



• Lukaut long em! Susa ya i holim brek na redi long tromoi bal long ring. Dispela em netbal resis long Mosbi.



• Media soka tim bilong Lae. Ol i salensim ol foma intanesel tim bilong Lae na winim gem long 3-2 skoa.

FRENCHBAKEHAUS



• CAKES

Weddings & Birthdays
Our speciality25 1266 Pom
42 5349 Lae

PROVINSAL

SOKA NIUS

FRENCHBAKEHAUS



• CAKES

Weddings & Birthdays
Our speciality25 1266 Pom
42 5349 Lae

Win bilong Kurti Andra go long kot

LAHI SOKA RIPOT

WIN bilong Kurti Andra egens Asiawe, 2-1 long Lahi soka resis las wiken bai wetim tok yesa bilong gems komiti.

Kurti Andra i winim dispela gem long fultaim egens Asiawe tasol Asiawe i puti komplem olsem Kurti Andra i no bin pulapim tim sit bilong ol i go long referi pastaim long pilai i stat.

Seketeri bilong Lahi Soka Asosiesen (LSA) Moses Demas i tok ol gems komiti bai sindaun na glasim gen dispela hevi na lukim sapos ol bai rausim dispela win bilong Kurti Andra o nogat.

Long arapela primia gem long las wiken, Mairipu i givim gutpela skul long ol boi bilong Morobe

Yunaitet wantaim 1-0 skoa long fultaim. Dispela i bin gem bilong Morobe Yunaitet tasol ol yet i westim planti gutpela sans bilong ol long skoa. Olsem na Mairipu i kwiktaim brukim umben bilong Yunaitet na lokim difens bilong ol na winim dispela gem 1-0 long fultaim.

Sobou i givim gutpela mekim-save long ol manki Makam bilong Gaziga wantaim 1-0 soa long fultaim. Sobou husat i go pas long poin lata bilong Lahi soka resis i go strong yet na holim nem bilong em antap yet.

Ol boi olsem John Laskam, Harold Kawambara, Richard Daniel na Godfrey i kamapim gutpela pilai tru long mekim kamap dispela win egens Gaziga.

Seketeri Moses Demas i tok

olgeta pilai i kamap long pinis bilong raun 1 na ol i redi long go insait long raun 2 long dispela wiken.

Long poin lata bilong Lahi nau, Sobou i stap antap long lata bilong primia divisen wantaim 21 poin na Guria istap bihain tasol wantaim 19 poin. Morobe Yunaitet 17, Asiawe 16, Elcom 13, Mairipu 8, Gaziga 8, Difens 8, Kurti Andra 7 na Rapatona 6.

Long divisen bilong ol meri em; Guria 31, Gaziga 23, Asiawe 20, Rapatona 19, Elcom 19, Sobou 19, Difens 16, Kurti Andra 14, Sunkist 8, Mairipu 7, Gam 7 na Tosin 0.

Demas i tok long dispela wiken Sarere long 3 kilok bai LSA bai holim wangepela bikpela miting na i askim olgeta klap presiden na opisel long kamap.

Wewak soka go long raun 2

WEWAK SOKA RIPOT

ADDY LAVAKZ i raitim

WEWAK Yunaitet i bosim pinis lata bilong Wewak soka resis insait long raun 1 bilong pilai.

Tasol bihain tasol em, Posino na Eels i ron namba 2 klostu tasol long pretim dispela posisen bilong Wewak Yunaitet.

Olgeta gem bilong raun 1 i pinis na ol bai i go insait long raun 2 na dispela poin lata bai tenis sapos ol top tim i no lukaut gut long ol liklik tim aninit long lata.

Wewak soka i stap insait long las gem bilong en long pinisim raun 1 na i go insait long raun 2.

Long anda 17 divisen, ol boi bilong Wewak Eels i bosim dispela lata bilong anda 17 divisen. Ol i wangepela nupela tim na i gat planti nupela blut i kamap nau na pilai i stap.

Long lig divisen, ol boi bilong Passam yet i bosim namba wan ples long lata bilong anda 20 divisen.

Wangepela soka opisal bilong Wewak Lenau Watia i tok bai i gat

sampela gutpela tenis i kamap long raun 2 bilong pilai. Olsem na bikpela samting i stap long han bilong klap na pilai yet long kamapim gutpela pilai.

Watia i tok ol pilai i mas gat rispek long ol referi husat i save ranim pilai long bikpela san na tu long taim bilong ren. Em i tok ol pilai i mas gat rispek long wanem disisen ol referi i mekim na larim referi i go pas long ranim gem. Dispela em rot bilong apim gut stended bilong pilai na mekim pilai i kamap gutpela long Wewak.

Ol klap long Wewak i kamapim pinis ol tim bilong ol meri long kik insait tu long dispela soka resis bilong Wewak. Olgeta klap i bin na kamapim tim inap olsem 20 olgeta insait long Wewak Soka Asosiesen (WSA).

Watia i tok tu olsem narapela samting em nesenei bodi (P3FA) i bin toktok long kamapim em long aidi kat sistem. Olgeta pilai bai at aidi kat we bai i soim poto na neru bilong pilai, wanem klap em i kik antaim na wanem divisen em i soim pilai insait. Olsem na em i ting dispela tingting i mas go het na klap long Wewak tu.

Konowan holim Tarangau

HAGEN SOKA RIPOT

KONOWAN i soim strong bilong em long autim tiket bilong Tarangau 3-2 long fultaim insait long primia resis bilong Hagen soka resis las wiken.

Dispela i bin wangepela strongpela gem namel long tupela tim ya tasol Konowan i no laik bai ol boi Tarangau i flai na abrusim em i go antap long skoa. Olsem na em i sanapim pos na autim stret bilong Tarangau long fultaim.

Long arapela primia gem tu, Pascol i laik soim tru ol manki Sunam olsem ol i gat nem tu long Hagen. Olsem na em i slekim bun bilong Sunam tasol em i no glasim gut tru tru pawa bilong Sunam na katim. Olsem na tupela i dro 3-3 long fultaim.

Narapela bikpela primia gem i bin kamap namel long ol pawa boi bilong Elcom na ol polisman bilong Blue Kumuls. Tupela i kilim skin long dispela bikpela pilai tasol Elcom em as bilong pawa saplai olsem na em givim blekaut stret long Kimininga Bareks long Sande apinun na ol plisman i slip long tudak.

Elcom i pilai strong tru na strongim tu difens bilong em egensim Blu Kumuls long go insait na painim umben bilong em. Olgeta seksen bilong Elcom i tait olgeta olsem na em nekim Blue Kumuls 4-1 long fultaim.

Long resis bilong ol meri; Pascol i no soim liklik marimari long ol meri Sunam. Trangu ol solwara meri bilong Sunam i kisim bikpela mekimsave strelek bilong ol meri Pascol wantaim 8-0 skoa long fultaim. Dispela tu i soim olsem ol meri Pascol i no laik pilai pilai nau long husat meri. Bikos dispela em namba 2 gem bilong seken raun, olgeta tim i sapim su na redi long mekim arapela tim i wari.

Ol susa bilong Konowan tu i kamapim gutpela pilai tru egens Tarangau na nekim em 1-0 long fultaim. Dispela i bin wangepela strongpela gem namel long tupela tim ya bikos golkipa bilong tupela i bin wok hat tru long sevim planti kik we i kam long ol straika bilong tupela sait wantaim.

Presiden bilong Hagen soka asosiesen, Luke Wa'a i tok pilai long Hagen i wok long ron gut nau na planti tim i laik win na go antap long poin lata. Bikos dispela em namba 2 raun bilong Hagen soka resis.

Ol meri Elcom tu i gat wankain pawa olsem ol man olsem na ol plismeri bilong Blue Kumuls i painim hat long sasim ol long kalabus. Olgeta sas bilong Blu Kumuls i go nating tasol bikos ol susa bilong Elcom i sambai gut na abrusim ol.

Long bekim bek sas bilong ol meri Kumuls, Elcom i isi tasol katim pawa lain long haus lain bilong Blue Kumuls. Ol plismeri i kisim taim wantaim 3-0 skoa long fultaim.



* Soka resis long Bisini soka graun las wiken namel long Murat na Cloudy Bay. Tupela tim i dro 2-2.

Soka long Goroka nogat strong

GOROKA SOKA RIPOT

GOROKA Soka Asosiesen (GSA) i gat bikpela hevi yet long ranim soka long dispela yia. Bikos planti klap i no baim yet afiliesen fi bilong ol i go long asosiesen.

Presiden bilong GSA, John Wokenuwe i tok soka i wok long kamap long olgeta wiken tasol i no gutpela tumas bikos asosiesen yet i no sanap long gutpela graun bilong strongim

pilai.

John i askim olgeta soka klap long hariap na baim afiliesen fi bilong ol i go long asosiesen long pinis bilong dispela mun. Bikos olgeta klap i bin kisim toksave pinis tasol ol i no mekim wangepela samting.

planti klap i bin givim hap mani tasol long makim rejistresen bilong ol. Tasol ol i no moa go bek na traime pinisim total pemen bilong fi. Afiliesen fi bilong Goroka soka asosiesen long dispela yia em

K850. Dispela fi em bungim wantaim klap rejistresen na nominesen na tu afiliesen fi. Ol i bungim olgeta fi ya i go olsem.

Long nau yet 7-pela klap i wok long kilim skin long kik long Goroka i stap. Ol i pilai na pinisim olgeta gem bilong ol long raun 1 na ol i redi nau long go insait long raun 2.

Rapatona soka klap tasol em wangepela klap husat i baim pinis olgeta afiliesen fi bilong em i go long Goroka Soka Asosiesen (GSA)

Wau basketbal stronim gen asosiesen

ARI GUH DANDEE i raitim

WAWU Basketbal Asosiesen (WBA) long Wau, Morobe provins nau i makim pinis ol nupela opisal bilog ranim wok bilong asosiesen long las wik.

Ol opisal ya em Mathew Humango olsem presiden, Alu Saiana Pita olsem namba 2 presiden, Illoyd Sige olsem tresera na Yali Wawa olsem seketri.

Olgeta tim kepten bilong wanwan basketbal klap long Wau i bin sindaun long dispela kibung na makim ol dispela nupela eksekutiv memba bilong mekim wok ya.

Nupela presiden, Mathew Humango i tok i luk ose i gat ol gutpela saveman na ol stiaman bilong karim wok bilong basket-

bal. Tasol sapot tru i mas kam long ol tim husat i save pilai insait long asosiesen.

Humango i tok wok i stap long olgeta tim kepten bilong ol klap long ranim gut klap bilong ol wantaim ol pilaia bilong ol long kamapim gutpela pilai bai asosiesen tu i ken sanap strong long ranim gut pilai long Wau.

Em i tok naa traim long kamapim sampela gutpela senis long pilai we asosiesen i ken ron gut long planti yia moa i kam.

Wau basektbal asosiesen i bin kamapim planti gutpela stori long bipo long sait bilong bikpela tonamen olsem Morobe Kantri Basketbal tonamen. Dispela i soim olsem Wau i gat ol gutpela

pilaia i stap long pilai basketbal. Tasol bikhet pasin tasol i kilim indai wok bilong asosiesen na basketbal resis i pundaun na indai olgeta.

Nau yet nupela presiden i singaut strong i go long klap husat i no baim yet ol klap rejistresen long baim hariap. Fi bilong rejistresen em K20 long wanwan klap na rejistresen fi bilong wanwan pilaia em K3. Olsem na olgeta klap na pilaia i mas tingim dispela rejistresen fi bilong ol na baim hariap long pinis bilong dispela mun Jun.

Em i askim olgeta klap long baim hariap ol dispela fi long larim ol pilai bilong basketbal long i mas go het yet long Wau.



• Volibal tim long Wewak husat i bin pilai long Is Sepik Provinsal Spot tonamen long Kwins Betde.



Netball resis long Mosbi long las wiken. • Stail bilong ol taso na netbal kot i save pulap olgeta wiken. Foto: JACK AMI.

Ol biknem tim i statim win

MOSBI SOKA RIPOT

YAKAM KELO i raitim

RAPATONA i soim moa pawa long las wiken taim em i autim tiket bilong PTC 2-0 long primia gem bilong Mosbi soka resis.

Rapatona husat i gat planti pilaia i stap long nesenel skwat bilong go kik long Saut Pasifik Gems long dispela yia i soim olsem ol i gat gutpela stail bilong pilai na ronim bal long pilai graun.

Ol telefon manki bilong PTC i kisim dispela mekimsave bikos ol i no bin was gut long strongim difens long beklain na tu long midfil eria.

Namba wan gol bilong Rapatona i kamap taim Jeffery Emang i salim wanpela gutpela bal i go long rait sait bilong fil na straiika, Daniel Mota i ron i go na straikim bal ya i go abrusim golkipa bilong PTC na go pas long umben.

Dispela namba wan gol i kirapim tu bel bilong Rapatona long strongim olgeta difens bilong em na traim long skorim moa gol.

Insait tasol long 20 minit bilong hap taim, Daniel Mota i kisim

wanpela gutpela bal na ranim long lephan kona i go abrusim John Peter bilong PTC na wokim longpela kik long ausait mak i go insait long golmak bilong PTC. Dispela gol i helpim Rapatona long go bek long banis bilong ol na strongim banis bilong ol long birua bilong PTC.

Long sait bilong PTC, yangpela Nicholas Pui na Wesley Waiwai i putim strongpela pait long brukim umben bilong Rapatona tasol difens bilong PNG stopa, Duri Yarawi na Victor Werei i stapim tupela long go insait.

Midfilda bilong PTC, Raymond Nasa i mekim bikpela wok long namel long traim skelim bal long ol boi bilong em tasol Rapatona i sanap redi olgeta taim long rausim bal long lek bilong ol boi PTC.

Long namba tu hap bilong pilai, tupela tim wantaim i go bek long pilai tasol namba tu hap em gem i go tait na ol straiika long tupela sait wantaim i painim hat long go insait na skoa. Olsem na skoa long namba wan hap bilong kik i stap olsem long 2-0 inap fultaim.

Long arapela primia gem, ol boi bilong Momase i lusim sans bilong winim dispela gem bilong ol egens GFC long las wiken. Dispela i bin win bilong Momase

tasol ol yet i no bin sanap strong long long 15 minit bilong fultaim na Joe Salaiou bilong GFC i straikim dispela bal long 18 mita mak na i go pas long umben bilong Momase. Dispela skoa bilong GFC i mekim na tupela tim wantaim i dro 1-1 long fultaim.

Momase i bin skoa pastaim long mak bilong GFC taim Roland Sepu i ronim wanpela gutpela bal long kona na kik i kam pas long het bilong Max Ellie na em het i go insait long umben bilong GFC. Tupela skoa wantaim i kamap long namba tu hap bilong pilai.

Long arapela primia gem, Blue Kumuls i holim strongpela gem wantaim Golo tasol ol manki Sentrel i no givim dispela gem i go isi long Kumuls. Tupela i pait hat long stat bilong pilai i go inap long fultaim we tupela i dro 2-2.

Kurti Andra i kamapim wanpela gutpela win bilong em egensim ol yangpela boi bilong Ela Yunaitet wantaim 2-1 skoa long fultaim.

Kurti Andra i gat spit na ol i lain bilong ronim bal long rait i go long lep sait olsem na dispela stail bilong ol tasol i mekim ol boi bilong Ela Yunaitet i ron i go i kam na sotwin. Olsem na Kurti Andra i bomim umben bilong Ela Yunaitet wantaim 2 skoa na Ela Yunaitet 1 long fultaim.

Wewak kosa askim Lae na Madang long stop

ARI HABA i raitim

HET kosa bilong Wewak Soka Asosiesen (WSA) i tok Madang na Lae i no ken pilai moa long ol rijenal tonamen long bihain taim.

Het kosa, Masta Pagoa i mekim dispela toktok long Vanimo bihain tasol long tim bilong em Wewak i kamap sempion bilong Momase soka tonamen long 12 Jun.

Pagoa i tok em i no gat planti toktok long Lae na Madang soka tim husat i no kamap long Vanimo long pilai insait long tonamen ya.

Pagoa i askim sapos Lae na Madang i no gat rispek long dispela tonamen na Vanimo long lukautim dispela pilai, orait em i laikim bai komiti bilong Momase Rijenal Soka Asosiesen i mas raitim pas i go long Lae na Madang olsem tupela i no ken pilai moa long ol rijenal tonamen.

Pagoa i tok olsem kosa bilong Wewak, em i no lukim wanpela strongpela salens tru long dispela tonamen. Bikos Lae na Madang i

no kamap.


Stended bilong soka long Sandaun provins i tambolo tumas na i no gat bikpela salens insait long ol soka tim em Wewak i pilai.

Ol manmeri yet i lukim olsem i no gat wanpela tim i bin putim skoa insait long tim bilong Wewak long dispela taim bilong tonamen. Maprik em wanpela tim tasol husat i bin skorim wanpela gol tasol long Wewak.

Het kosa bilong Wewak i skelim olsem Sandaun i no gat soka sisen bilong ol long olgeta wiken. Ol i stap tasol na makim tim long tupela mun pastaim long tonamen i stat na bihain ol i kam sanap long pilai graun na pilai.

Em i askim ol opisal bilong Vanimo Soka Asosiesen long sanap strong na ranim gut soka insait long Vanimo taun na tu long ol distrik long olgeta wiken. Em i askim ol pilaia tu long givim sapot na rispek long ol opisal i ken sanap gut na ranim soka na kirapim gutpela stended bilong soka insait long provins.

WANTOK SPOTS



Lae na ol hailans tim bai popaia long Julai soka resis

NESENEL soka sempionsip long Julai 22 long Mosbi bai i no inap lukim pes bilong Lae na ol hailans senta bikos i gat hevi long rot bilong go.

Ol hailans soka senta olsem Goroka, Hagen na Enga i autim tingting pinis olsem ol i gat hevi long mani na ol i no inap go long Mosbi. Tasol sapos sempionsip ya i kamap long Lae bai ol i ken go.

Presiden bilong Goroka Soka Asosiesen (GSA) John Wokenuwe i tok kos bilong balus i bikpela tumas na asosiesen i hat yet long painim mani

YAKAM KELO i raitim

bilong salim skwat i go pilai.

Presiden bilong Wabeg Soka Asosiesen (WSA) Ananias Popo i tok Wabeg i gat laik long go pilai long dispela PNGFA Kap long Mosbi tasol ol i gat hevi long mani bilong salim tim i go.

Ananias i tok nau ol i gat hevi tu long provinsal gavman husat i save helpim ol long ol wanwan yia i go pinis long salim skwat i go kik long arapela provins.

Enga provinsal gavman i kisim saspensen na givim

hevi nau long Enga Soka Asosiesen long salim tim i go kik long Mosbi.

Presiden bilong Hagen Soka Asosiesen (HSA) Luke Wa'a i no tokaut long tingting bilong ol yet tasol em bai kamapim tingting bilong ol long neks wik bihain long olgeta soka asosiesen insait long hailans i bung long Hagen long dispela wiken.

Ol bai kibung long toktok bilong kamapim Hailans Rijenal soka tonamen.

Tasol presiden bilong PNGFA, Peter Mommers i tok PNGFA bai sanap strong yet long dispela

tingting bilong holim tonamen ya long Mosbi. Bikos planti asosiesen i bin vot long dispela disisen long holim pilai long Mosbi. Na tu dispela em i bilong bungim olgeta pilaia bilong SP Gems long Mosbi na redi long tekov i go long Tahiti.

Presiden Mommers i tok nau yet em ol asosiesen olsem Lahi, Madang, Kaiapit, Wewak, Mosbi, Alotau na Tabubil i redi long go kik long dispela Mosbi. Bikos olgeta senta ya i baim pinis afiliesen fi bilong ol long PNGFA. Mommers i tok em i save

olsem tonamen ya bai i gat olsem 6 o 8-pela senta i kamap na pilai.

Seketeri bilong Lahi Soka Asosiesen (LSA) Moses Demas i tok Lahi tu bai sapatim tingting bilong ol arapela senta long holim nesanel sempionsip ya long Lae. Olsem na Lahi bai i no inap yesa yet long go long Mosbi inap em i save amas tim bai go kik long dispela sempionsip.

Demas i tok ol tok yesa long go kik long Mosbi em presiden, Dokta Kuam Malai i tok tasol olgeta eksekutiv i no tok orait yet.

Tasol presiden Mommers i strongim tok olsem Dokta Kuam Malai bilong Lahi i bin tokim em long Mosbi las wiken olsem Lahi skwat bai go yet long Mosbi bikos ol i redim pinis ol rot bilong long Mosbi wantaim Air Niugini. Madang husat em difending sempion bilong dispela PNGFA Kap taitel bai i go yet bikos ol i mas kamap na pait long holim bek taitel ya.

LFA i no gat ripot i kam long ol tasol i gat ol toktok arere olsem LFA i no inap go long Mosbi bikos ol i gat hevi long mani bilong salim LFA skwat i go long Mosbi.

Waromo na Watex statim raun tu wantaim win

RAUN namba tu bilong Vanimo Kantri Soka i bin kik op long las wiken. Na i gat 4-pela klab olsem Mashu, Yako, Waromo na Watex i pilai bihainim dro. Lido i bin stap malo-lo long gem bilong las wiken.

Long Sarere, pilai i bin kamap long pilai graun bilong Yako. Tripela tim bilong Yako yet i taitim bun na kik wantaim ol 'Hitama' bilong Mushu.

Opisal bilong kantri soka husat i lukautim pilai i bin kamap long Yako long Sarere i no bin toksave long skoa long dispela pilai. Ol pilai bilong Sande i kamap long Lido namel long Watex na Waromo. Tupela klab ya i gat tripela tim. Wapela B gred tim bilong ol man, wapela tim bilong ol meri na A gred tim bilong ol man.

Namba wan pilai bilong Sande i bin kamap namel long Watex B gred tim na Waromo.

Pilai bilong ol man stret. Sampela strongpela pilai ol yangpela bilong tupela klab i putim kamap.

Ol fowat bilong tupela tim ya i ranim bal na traime skoarim gol. Tasol beklain i bin wasim gut tru gol.

Bihain long 10-pela minit bilong namba wan

VANIMO KANTRI SOKA RIPOT

STAN RANGA i raitim

hap, straika bilong Watex, Lowa Wari i giamanim ol beklain pilai bilong Waromo i lusim gol maus na i kam antap long midfil. Olsem na em i lukim bikpela spes inap long wapela straike i ran na skorim gol. Em i salim stret long Paul Bei. Na em i trikim golkipa bilong Waromo John Tatai na skorim dispela gol.

Ol yangpela bilong Waromo ya i bel kaskas taim ol i karim dispela gol. Straika Kevin Dekori wantaim sapat bilong midfil pilaia Albert Pate i traime long bekim dinau.

Tasol olgeta pawa kik bilong tupela i popaia.

Waromo i putim na ranim planti bal long namba tu hap long sko. Tasol taim i sot. Watex yet i bin winim dispela B gred gem bilong ol man 1-0.

Strongpela ran na kik bilong susa bilong Watex long namba tu gem i mekim na ol i pasim pasbuk bilong ol susa bilong Waromo 1-0.

Tasol ol mama long Waromo i no isi long givim dispela win i go nating long Watex. Ol tu meri ya.

Planti taim bikpela straika Kay Daniel i wok long smelim gol. Tasol urita nogut bilong Daunda, Margaret Punini i sanapim gutpela was tru long gol maus.

Bikpela gem bilong apinun i stap namel long tupela A gret tim ya, Watex na Waromo bilong ol man. Bikos ples i kol long apinun olsem na Waromo i lukim olsem klostu ol i lusim olgeta pilai bilong ol.

Ol i nekim Watex A gret wansait 3-1 na winim dispela pilai.

Pilaia i go pas long ol na straika Bonney Ihlu i bin rausim gut tru bal na paulim ol beklain pilaia bilong Watex long sampela bodi trik. Na i skorim tupela gol.

Kevin Dekori long senta midfil i kikim nara-pela gol bilong Waromo. Albert Pate, Fred Yigrin, Poiinus Alai na Kevin Dekori i traime hat long Waromo tim.


Watex i brukim kiau taim midfil pilaia Thomas Babia i kisim wapela gutpela kik na putim stret long kona.

Ol pilaia olsem Bernard Bei, Moses Peakru, Thomas na Patrick Sean i wokhat stret long sevim Watex.

Guria lusim 9 yia bebi bilong em long Yuni

● (Iephan) Kepten bilong Guria, Ronald Simon i kisim ranap ap tropi long han bilong Lahi presiden, Dokta Malai las wiken bihain long Guria i lusim taitel bilong em i go long Yunivesiti long gren fainal bilong Papindo Kap.

● (aninit)Nupela sempion klap bilong nesanel klap sempionsip em Yunivesiti bilong Mosbi. Yuni autim tiket bilong Guria 1-0 na kisim dispela 9 yia taitel bilong Guria. *Poto JACK AMI*



LAE
BISCUIT



RAGBI LIG

NIUS

INO BILONG SALIM

LAE
BISCUIT



Balimo redi tasol long kukim Kiunga

IAN KAKARERE | raitim

KIUNGA ragbi lig bai mal-olo liklik long dispela wiken long wanem bai i gat wanpela pilai salens i kamap namel long Balimo na Kiunga.

Balimo husat bai putim ol strongpela pilai bilong ol husat i save ron strong tru taim ol i bungim Kiunga long dispela wiken. Planti bilong ol dispela pilai husat bai pilai long Balimo tim i save stap long ol ples arere long wara Aramia na dispela em ol lain bilong Godogola traib.

Ol man na meri bilong Godogala em ol lain i save kamap ol gutpela spotman na meri. Ol i longpela, fit na tu ron bilong ol i save spit nogut tru.

Long nau yet, Wantok i no save long lain ap bilong Balimo tasol i luk olsem em bai wanpela strongpela tim tru we ol bai inap long winim Kiunga long dispela wiken.

Kiunga bai holim yet wankain tim bilong ol husat i bin pilaim Tabubil long Morrie Stuart sil long Kwins Betdei wiken.

Pilai ya bai ol i pilaim olsem grup 3 trail pilai.



• Brothers ragbi lig tim bilong Kiunga long las yia gren fainal.

Long wanpela bikpela senis Papua Niugini Ragbi Futbal Lig (PNGRFL) i bin brukim dispela 4-pela son na putim ol i go insait long 8-pela grup olsem Nu Saut Wels

Country lig. Ol tripela senta ya long Western provins em tabubil, Kiunga na Balimo i mekim grup 3 bilong dispela nupela senis. Sapos daru, Boboa na Obo i afil-

iet wantaim PNGRFL tu, ol bai stap insait long dispela grup 3 tu.

Ol pilai bilong anda 19 na risev gret bai kamap olsem keten raisa bilong dispela bikpela pilai.

Guria bai bungim Trotters long Kokopo

RODNEY KAMUS | raitim

KOKOPO show graun bai kamap laip gen long dispela wiken taim Rabaul Guria i bungim Madang Trotters long pilai bilong inta siti resis. Dispela pilai bai makim 9-pela mun olgeta ragbi lig i no kamap long Rabaul bihainim dispela bikpela maunten paia.

Long dispela bikpela pilai bilong ol long namba tu raun, ol bai bungim Madang



• Wanpela Rabaul Guria pilai i mekim wanpela strongpela ron taim ol i pilaim Mosbi Vipers long raun 1.

Glabetrotters husat i bin winim ol long namba wan taim bilong inta siti pilai. Na dispela em taim bilong bekim dinau.

Taim dispela pilai i bin stat tasol long dispela yia, ol Guria i no bin pilaim wanpela pilai bilong ol long asgraun bilong ol. Tasol Papua Niugini Ragbi Futbal Lig i givim tokorait long ol long pilai long Kokopo.

Namba tu siaman bilong PNGRFL Kevin Murphy husat i bin go raun long hap i tokaut pinis long dispela olsem olgeta samting i orait long ol bai holim pilai bilong ol long hap.

"Bai i gat wanpela inta siti pilai long hap long dispela wiken long wanem pilai graun i gutpela na olgeta samting i orait. Pilai graun i gutpela olgeta olsem ol narapela pilai graun," em i tok.

Em i tok olsem ol nupela divelopmen i kamap long graun em i gat banis, ples bilogn baim geit na ples bilong ol manmeri long sindaun. Bihain long longpela taim tru ol pipel i no lukim lig, dispela em bai namba wan pilai bilong ol tru long lukim.

Laspela bikpela ragbi lig pilai long kamap long hap em taim ol i holim inta ailens son resis long independens wiken tasol volkeno i pairap na tonamen ya i no bin pinis.

Em i tok olsem sapos i gat gutpela kamap bilong ol manmeri long dispela wiken, PNGRFL bai wok hat long lukim olsem ol pilai long Kokopo bai go het yet. Tasol i moa gutpela sapos planti manmeri i kamap long lukim pilai long dispela wiken long wanem em bai helpim long long kirapim bek ragbi lig long provins ya. Show graun bai i no nap stap olsem ragbi fil long neks yia.

PNGRFL kisim K400,000 long sponsa

PAPUA Niugini Ragbi Futbal Lig i kisim bikpela helpim pinis i kam long smok kampani husat i save sponsaim PNG lig wantaim K400,000 mani bilong ranim ragbi lig long kantri insait long tripela yia olgeta.

Rothmans of Pall Mall wanpela kampani husat i save mekim ol smok i sponsaim gen PNG ragbi lig long tripela moa yia aninit long smok bilong ol Winfield. Rothmans tu em i save sponsaim Papua Niugini Kurluls tim long ol

Long taim bilong tokaut long sponsasip ya long las wik Fonde long Mosbi, siaman bilong Papua Niugini Ragbu Futbal Lig (PNGRFL) Joe Keviame i tok olsem em i amamas tru long wanem samting Rothmans i wok long mekim.

Em i tok olsem dispela kampani ya em i wanpela longpela sponsa tru bilong ragbi lig long kantri na em i amamas tru olsem ol i kam bek gen long sapotim PNGRFL. Winfield i bin

long PNG longpela taim tru nau. Tasol long Australia, sponsa Winfield husat i sponsaim Winfield Kap longpela taim tru bai lusim sponsasip bilong ol long narapela yia long wanem Australia gavman i no laikim ol smok long adve-tais.

Jenerel Menesa bilong Rothmans Brian Burke i tok olsem em i amamas tru long kampani bilong em i save wok bung gut tru wantaim PNGRFL na ol bai strongim yet dispela sponsasip.



Kas bilong ol Wali • Ragbi lig tim bilong Brothers anda 19 tim bilong Madang. Ol i save brukim bun wantaim Tarangau, Panthers, Hawks, Royals na Tigers.

Kumo sore long lus bilong Warriors

PETER MAIME i raitim

SAPOS Kundiawa Warriors i laik putim wanpela pilaia bilong ol i go long nesenel tim, yangpela huka bilong ol John Kumo bai namba wan man tru.

Em i wanpela strongpela pilai tru long las wiken taim tim bilong em i pilai egensim Mosbi Vipers. Na sapos tim bilong em i win, i luk olsem em bai kisim Man of the Match Awot.

Stail bilong em long salim bal i go kam i narakain tru we em i givim gut tru bal long ol fowat na beklain bilong em. Em bin stap

long namel bilong ol planti bikpela samting tru long dispela pilai.

Ol biknem pilai bilong Vipers olsem Paul Komboi, James Naipao, Ben Bire na Michael Mondo i painim hat tru long holim pasim em.

Na wanpela samting i bikpela tru em long ol liklik ron bilong em long dami hap. Dispela i bin kamap tru taim em i abrusim tripela Vipers pilaia 10-pela mita long trai lain bilong ol Vipers na skoa anit stret long pos. Dispela trai i kamap bihain long gutpela bal wok na bekap pilai. Em i pretim ol Vipers nogut tru na tu i pilai moa

gutpela long namba 9 bilong Vipers Elias Paiyo. Wanpela opisal husat i kam wantaim ol Warriors i tok olsem Kumo i save pilaim gutpela futbol tru.

Bihain long pilai taim Ragbi Lig Nius i laik kisim toktok bilong em, em i luk olsem i nogat toktok olgeta. Em i no nap long bilip long wanem tim bilong em i givim dispela pilai i go long ol Vipers. Taim em i lusim pilai graun na kamaut-saut, em i rausim but bilong em na paitim long graun na i luk olsem em i nogat wanpela samting moa long mekim wantaim dispela but.

Kosa Bal Numapo i kamap

wantaim dispela nupela skwat long las wik tasol we planti i no amamas tumas.

Tasol long lukluk bilong dispela tim long las wik, i gat planti moa gutpela samting bai kamap long ol. NUMapo tok olsem dispela lus bilong ol bai ol i traime long bekim bek long Minj.

Kepten John Wamil husat i go pas long ol fowat i mekim sampela bikpela strongpela ron na strongpela takel tu. Ol Vipers tu i pilaim gutpela pilai na strong bilong ol i wankain olsem ol Warriors tu. Ol i bin strong tru long dispela 80 minit olsem na ol i winim dispela pilai.

Planti pipel husat i save sapos tim na lukim ragbi lig i tok olsem dispela em i wanpela strongpela pilai tru ol i lukim long SP Inta Siti Kap resis long ol narapela. Dispela ol lain husat i singaut strong tru egensim ol Warriors i go bek long haus wantaim bel nogut na tingting olsem hapbek bilong Warriors Randal Kaupa i givim wanpela fri presen i go long ol Vipers taim em i lusim bal arere long trai lain bilong ol.

Dispela rong i bin kamap 5-pela minit taim pilai i laik pinis na Markus Bai bilong Vipers i skoa long 2-pela minit tasol i stap.



• Bikpela fowat bilong Globetrotters Robert tia i kisim taim long han bilong Vipers Michael Mondo. Tia i bin pilai hat tru las wiken long winnim ol Mendi Muruks.

Trotters bagarapim sindaun bilong ol Muruks ...Karara stiam ol Madang...

BIKPELA disisen bilong Madang Kalibobo Globetrotters long sainim olupela Kundiawa Warriors hapbek Sam Karara i kamap gutpela tru bihain long dispela liklik man ya i stiam ol i go long bagarapim sindaun bilong kompetisen lida Mendi Muruks long resis bilong Inta Siti. Skoa em bikpela tru long 24-4.

Dispela win bilong ol Trotters wantaim helpim bilong Karara i bikpela tru long wanem ol i rausim trausis bilong ol Mendi Muruks husat i wanpela tim i go pas long lata wantaim ol Hagen Eagles.

Tasol long Karara wan bai win ya i no nap long kamap. Wantaim bikpela helpim i kam long ol narapela tupela Mosbi pilaia em ol Trotters i sainim long Robert Tia na Kaibel Kanaka wantaim olupela Rabaul Guria fowat Kaibel Kanaka, Trotters i holim olgeta samting bilong dispela dei.

Ol i kisim sapot i kam long long ol yangpela Jeffrey Bossi na Esley Watepa long daunim ol Muruks.

Tia i lusim bikpela mak tru wantaim ol Muruks long kain strongpela pilai bilong em wantaim gut-

pela sapot i kam long Pato na Kanakan.

Karara i putim namba wan gol bilong ol Trotters wantaim wanpela penalti. Mendi i kam bek strong tru wantaim wanpela trai na dispela em las taim ol i skoa. Kik bilong ol i no go insait.

Karar gen i kikim wanpela penalti go long pasim skoa long 4-4. Muruks i bin gat planti sans long skoa tasol ol i lusim bal tumas na dispela i givim moa sans long ol Trotters.

Kepten bilong Muruks Nander Yer wantaim James Sikai husat i traime hat tru long pilai i no nap long difens bilong ol Trotters long taim ol i atek.

Referi Alphone Pu i salim fowat bilong ol Muruks Daniel Raymaster bihain long em i mekim wanpela hai takel long Kuks Pato. Pato i no nap pilai moa na lusim pilai graun.

Skoa i bin pas long 4-4 long hap taim tasol long namba tu hap Winga Esley Watepa i putim wanpela trai we Karara i kikim i go insait na bihain tupela moa trai long John Dako na Boony Richard long winim dispela pilai.

Elara go pas long win bilong ol Bombers

Lae Bombers 28 vs Rabaul Guria 18

LAE Bombers long Sande i mekim gen narapela bikpela win bilong ol egensim ol Rabaul Guria long Lae taim ol i nekim ol mangi Tolai 28-18 long laspela pilai bilong raun wan long inta siti kap resis.

Tasol ol Bombers bilong Lae i no winim dispela pilai isi tasol. Long las minit bilong pilai ol Rabaul Guria i bin kam bek strong tru tasol long strongpela difens bilong ol ol Bombers tasol i mekim na ol i winim dispela pilai.

Ol lain Rabaul Guria i bin kamapim gutpela pilai tru long namba wan hap bilong pilai we ol i bin skoa pas long ol Bombers. Bihain long wanpela gutpela na strongpela ron i kamap long fulbek Normyle Eremas, em i salim hapbek Benjamin Kaladep bihain long ol fowat tu i mekim ol strongpela ron bilong ol.

Tasol ol Bombers i no kisim longpela taim long kambek long dispela pilai. Wantaim gutpela sapot i kam lon gol pipel bilong Lae, Mathew

Elara i go pas long ol fowat bilong ol na ol i brukim banis bilong ol Guria. Tasol ol Guria i mekim wanpela hai takel long Elara we em i tepim bal hariap na salim winga bilong em i go long putim wanpela trai we ol i no kikim i go insait.

Ol Guria i kamapim gutpela pilai long ol fowat bilong ol olsem Moses Kivung Mosong na senta James Dummie i skoa we Eremas i kikim i go insait.

Tasol Bombers em asgraun bilong ol na ol i les long lus. Olsem na ol i kamapim wanpela moa trai long smelium ol Guria long 12-8 long hap taim.

Long namba tu hap, bihain long ol Bombers i kisim strongpela toktok long kosa bilong ol Bob Bannett na i lukim ol i pilai hat tru long putim 4-pela moa trai egensim ol Guria husat i putim tripela long pinisim dispela pilai.

Rabaul Guria insait long dispela namba wan raun bilong pilai i no winim wanpela gem yet. Tasol Lae Bombers i winim tripela pilai bilong ol olgeta nau stat long raun 4 yet i kam inap long raun 7.

Yangpela Markus Bai sevim gen ol Vipers

Mosbi Vipers 16 vs Kundiawa Warriors 15

RODNEY KAMUS i raitim

BIKNEM Mosbi Vipers senta Markus Bai i kamautim ol Vipers long han bilong ol Kundiawa Warriors taim pilai i stap pinis long han bilong ol Warriors tupela minit tasol long pilai bai pinis.

Bai planti manmeri na ragbi lig sapota long planti hap bilong kantri i save olsem em man bilong sevim Vipers wantaim ol las minit trai bilong em i kamapim dispela las minit trai na helpim ol Vipers long winim pilai 16-15 long las wik Sande long Mosbi taim tupela tim ya i bun long resis bilong Inta Siti kap.

Bai husat i kamapim ol strongpela ron na takel bilong em long dispela namba tu hap i lukim em i kisim prais olsem man of the match tasol dispela awot i sapos long go long ol

Kundiawa Warriors husat i pilai hat tru long namba wan hap yet i kam inap long ol i lusim pilai long las tupela minit bilong pilai long pinis. Ol Warriors long namba wan hap bilong pilai yet i bin pilai strong tru long wanem ol i laik winim dispela pilai na kepten bilong ol John Wamil i bin go pas long olgeta samting.

Wantaim gutpela sapot i kam long ol sapota bilong Mosbi, Warriors i kisim olgeta sans long winim dispela pilai tasol long taim pilai i laik pinis klostu, ol i mekim planti ol liklik asua nambaut na lukim ol i givim dispela pilai i go long ol Vipers.


Kosa bilong ol Warriors Bal Numapo i tok; "Mipela i lusim dispela pilai long las minit tasol long wanem

mipela i no kontrolim gut bal na mekim planti ol liklik rong nambaut we ol Vipers i yusim dispela sans long skoa.

Kosa bilong Vipers Steve Malum i tok tu olsem ol Vipers i wanpela strongpela sait long dispela dei na ol i mas givim bikpela amamas long Numapo wantaim ol lain bilong em.

"Dispela pilai bilong mipela i no gutpela olgeta na i nogat wanpela man i go pas long ol fowat bilong mipela na planti asua i kamap long lusim bal nating," Malum i tok. Pilai ya i bin stat isi tru taim tupela sait wantaim i no skoa liklik.

Ol Warriors i lukim olsem ol Vipers i no strong na kamapim wanpela penalti kik long go pas. Vipers i kam bek gen na skoa na pilai i go olsem tasol inap Bai i putim laspela trai long sevim ol Vipers.



Larson's reward for patient hard work

Ol parwa haus

□ Tupela strongpela man bilong North Sydney Bears Gary Larson na Greg Florimo. Tupela wantaim i bin pilai long State of Origin pilai. Larson em Maroons na Florimo em Blues. Larson long ol strongpela takel bilong em i mekim na em i stap pinis insait long Kangaroo tim we ol i pilaim ol Nu Silan Kiwis long las wik Fraide. Dispela wik Fraide gen bai namba tu tes. Long tupela man ya, Florimo em i tambu bilong Larson. Long wanem em i maritim susa bilong Larson.

Difens winim Magani wantaim 12-pela man

WINGA bilong Mosbi Defence Clement Marisa i luk olsem bai bungim Mosbi Lig judiseri long sampela taim long dispela wik bihainim wanpela liklik hevi we em i tromoi han long pilai graun taim Defence i pilai wantaim Magani.

Marisa i bin kamapim dispela pait pasin bihain long em bin kikim bal na ranim i go long trai lain tasol fulbek bilong Magani Jimmy Keto i kikim bal ya i go autsait long trai lain.

Marisa i no stop long dispela hap tasol em i apim han na paitim Keto husat i silip i stap long graun na em i go aut long pilai graun. Long dispela na ol Defence i bin gat 12-pela pilai

MOSBI LIG RIPOT

taso insait long pilai graun na ol i pilai strong tru i go long winim ol Maganis long 32-22 long fultaim.

Man husat i go pas long dispela gutpela win bilong ol Difens em senta Luke Waldiat husat i pilai gut tru olsem faiv-eit na setim ol fowats na beklain bilong em long kamapim gutpela atek.

Defence husat i putim ol biknem pilaia olsem Kera Ngaffin, Ronald Vue, Steven Soki, Waldiat na Uraddock i luk olsem ol bai winim ol Magani wansait taim ol i stap long 16-0 long wanpela hap bilong pilai.

Ol soldia boi i bin opim skoa bot wantaim trai i kam long Soki, Ngaffin na Biily Seove na faiv-eit Tony Daple i kikim tupela tasol.

Ol Wallabies i traim hat tru long narapela sait we Seko Pae na kepten Phil Bunbun na Gerega Vaira long pasim skoa bilong ol long 16-16 long hap taim.

Tasol long namba tu hap bilong pilai ol soldia i kam bek strong tru we Ronald Vue i ranawe i go na putim wanpela moa trai.

Maganis i nogat moa rot long wanem, ol Defence i pasim olgeta rot maski ol i gat 12-pela man tasol long pilai graun.

Ol Hagen Eagles bosim gen Inta Siti poin lata

RODNEY KAMUS i raitim

HAGEN Eagles i kamap kompetisen lida bilong SP Inta Siti Kap resis long raun namba wan bihain long ol i winim Goroka Lahanis 8-4 long Minj na tim husat i stap wantaim ol long namba wan ples Mendi Muruks i bin lus long ol Globetrotters long las wiken.

Hagen Eagles husat i bin sut i go antap long poin lata bihain long ol i kisim tupela poin bilong ol Vipers i bin serim namba wan ples wantaim ol Mendi Muruks. Tasol long las wiken, Mendi Muruks i lus na ol i winim Goroka. Olsem na ol i bosim namba wan ples.

Wanpela lus bilong ol eagles tasol em bin kam taim ol i bungim ol Lae Bombers long tupela wik i go pinis long asgraun bilong ol yet long Rebiatul pilai graun.

Bihainim poin lata bilong las wiken, Mendi Muruks i sindaun na long namba tu ples wantaim Mosbi Vipers husat i winim ol Kundiawa

Warriors long las Sande na Goroka Lahanis i stap namba tri wantaim Lae Bombers.

Madang Globetrotters i stap long namba 4 ples na Kundiawa Warriors i stap long namba 5 ples. Rabul Guria i stap aninit tru long poin lata bihain long ol i no winim wanpela pilai bilong ol.

Long namba tu raun bilong dispela resis we bai stat long dispela wiken, Hagen Eagles nau bai bungim Mosbi Vipers long Rebiatul pilai graun. Dispela pilai em bai traim soim tru olsem wanem tim i strongpela.

Long Hagen yet tu bai ol Kundiawa Warriors bai bungim Mendi Muruks long namba tu pilai.

Lae bai soim strong gen long dispela wiken taim ol i bungim ol Goroka Lahanis long Lae na Rabaul Guria bai kisim namba wan pilai bilong ol long as graun bilong ol long Kokopo egensim ol Madang Globetrotters. Poin lata i redi long senis gen long dispela wiken.

Tigers nekim Brothers long las minut long Madang

MADANG Tigers i lusim pilai graun bilong Ron Albert Oval na lap i go autsait bihain long ol i laki tru long winim ol Shell Brothers 12-8 long bikipela pilai bilong las wik Sande.

Dispela bikipela pilai bilong ol Agret em ol i pilaim bipo long bikipela pilai i kamap namel long ol Mendi Muruks na Madang Kalibobo Globetrotters i pilaim inta siti resis bilong tupela.

Tigers i bin opim skoa wantaim wanpela penelti kik i kam Sori Kasi long go pas long skoa long 2-0.

Tasol ol strongpela fowat bilong ol Brothers i no nap lusim tim bilong ol i lus nating taim Paul Kuk husat i ron namel long sampela strong-

ROBERT KAIA i raitim

pela difens bilong ol Tigers na salim wanpela gutpela bal i go long winga bilong em David Niggints husat i laik putim trai tasol ol Tigers i takelim em klostu tasol.

Narapela traim gen ol Brothers i mekim long kikim wanpela fil gol i go insait i go wara nating na skoa i bin pas long 2-0 inap long hap taim olgeta.

Taim pilai i stat gen long namba tu hap, ol Tigers i kirapim gen strong bilong ol taim senta bilong ol Steven Eka i mekim wanpela gutpela ron long beklain na pundaun antap long trai lain bilong ol Brothers. Kik i kam long

Simon Denis i lukim ol Tigers i surik i go pas long 8-0.

Tasol ol Brothers husat ol fowats bilong ol i wok hat tru i lukim wanpela trai i kamap long Geoffrey na ol i smelim ol Tigers long 4-8.

Narapela trai bilong ol Brothers i kamap tasol referi i tok olsem nok on na ol i no kisim poin. Tasol ol Brothers i no stop long atek na Geoffrey i putim namba tu trai bilong ol long pasim skoa long 8-8.

Francis Kalena husat i kikim gol i no nap long painim mak na skoa i pas long 8-8 inap Lukas Kumas bilong Tigers i putim wanpela las trai long helpim ol Tigers long win long 12-8.

Tumbo amamas long win egens Lahanis

BIHAIN tasol long wanpela lus egenism ol Lae Bombers long Rebiatul pilai graun long tupela wik i go pinis, ol Hagen Eagles i amamas kepten bilong ol John Tumbo taim ol i autim ol Goroka Lahanis 8-4 long las raun bilong raun wan bilong inta siti resis long Minj ragbi lig graun.

Planti manmeri tru i bin kamap long lukim dispela pilai namel long ol mangi Hagen na ol Goroka. Pilai ya i go het yet maski long ren

MICHAEL MONDA i raitim

i pundaun na planti i no save wanem hap em bai kamap. Bihain tasol long bikipela ren i bin pundauns, ol Hagen Eagles i kikim op pilai wantaim ol Lahanis.

Tupela tim wantaim i strong moa na wanpela i no nap putim wanpela poin antap skoa bod i go inap long hap taim. Tasol long namba tu hap bilong pilai referi i givim wanpela penelti i go long long ol

Eagles na ol i kisim tupela poin na go pas long skoa long 2-0. Ino longtaim na fulbek bilong ol Lahanis David Buko i mekim wanpela strongpela ron long sait bilong em i kam inap long sait bilong ol Eagles na salim winga bilong em long putim wanpela lakona trai na Lahanis i go pas long 4-2.

Skoa i bin stap olsem tasol i go na klostu long fultaim, ol Eagles i putim wanpela moa trai. Dispela

trai i kamap bihain long gutpela bal wok i kamap long ol fowat na strongpela ol ron bilong beklain i mekim na klostu long fultaim stret ol i putim dispela trai na go pas long 6-4. Kik i go insait tu na bringim skoa bilong ol i go antap moa long 8-4 na ol i winim dispela bikipela pilai.

Long sait bilong ol Lahanis, Tiuyo Evei, Stanley Gene na Buko i wok hat tru tasol ol Eagles i pilai strong moa yet.

NEW technology to serve you better

For all telecommunication needs in Papua New Guinea, Telikom gives you world class quality with the newest and best technologies available.


You simply can't get better anywhere.

Think of it, International Direct Dialling to the world gives business immediate access to international markets, and friends can be in touch immediately – distance no problem.

Our upgraded digital exchanges mean that voice calls and computer links get through quickly, accurately and with more clarity than ever before plus all the convenient extras like call forwarding, ring back information, wake up calls, and abbreviated dialling.

We are now on the brink of the cellular phone revolution. A phone you can carry anywhere and use on the move. Imagine the convenience of immediate access to customers and contact with friends anywhere, anytime.

All part of the new technology brought to you by the new Telikom because now we're really talking.



**IDD
to the World**



**DIGITAL
Clarity and Speed**




**MOBILE PHONES
calls on the move**

THE NEW




TELIKOM

Now we're really talking!



- David Gomia husat i save pilai wantaim Hagen Eagles long las yia. Tasol nau wantaim Goroka Lahanis, Eagles i nekim 8-4 las wiken.




- Vipers faiv-et Aquila Emil i laik traim rausim ol Trotters pilaia. Vipers i winim dispela pilai.



- Wanpela Mosbi Defence pilaia i kism bagarap long het bilong em egen-sim ol Air Niugini/Souths long las wiken. (long han sut) : Lok fowat bilong Vipers Arnold Krewanty i laik givim "upper cut" long wanpela Globe Trotters pilaia.



- Mosbi ragbi lig eksen namel long ol Brothers na Magani.



Mejik i stap wantaim tupela Manly

TAIM Cliff Lyons i stap autsait long taun long amamasim 200 fes gret pilai bilong em wantaim Manly, Geoff Toovey i stap long haus na lukluk long ol buk.

Toovey i gat bikpela samting long amamas long wanem em i stap insait long Australia tim.

Tasol taim Cliff i wok long wasim nek bilogn em wantaim wantaim sips, brandy na smok, Toovey i wok long dring kopi na stadi long wanpela tes bilong em bai kamap.

Taim ol i stap longwe long Brookvale pilai graun, dispela tupela hapman bilong Manly i stap long kainkain laipstail bilong tupela yet.

Long olgeta laip bilong em Toovey wanpela accountant i save miksims futbol, wok na stadi wantaim. Long sait bilong Lyons ol samting em i save tingim tumas em raun bilong em tasol.

Tasol maski ol i stap long narapela kain laipstail, tupela man ya i mekim kamap wanpela strongpela skram bes tru bilong Manly. Tupela man ya i stap baksait long olgeta win bilong Manly long dispela sisen.

Toovey i save statim long taim bilong pilai long sait bilong atek na difens na Lyons i save traim hat tru long stap em yet na mekim ol trai i kamap long ol narapela tim meit bilong tupela..

Dispela win bilong ol Manly i kamap gen long Sande i go pinis taim ol i wilwilim ol Norths.

Long sait bilong narapela spesel samting i kamap long Lyons, nogat man i luksave long wanem samting Toovey i mekim. Tasol em Toovey husat i mekim planti samting i kamap.

Norths i bin go pas long 2-0 taim winga Nigel Roy i kisim wanpela bal na mekim strongpela ron tru. Roy i ranawe inap long 30 mita husat i ron i go long putim trai nau. Tasol Toovey tasol husat i raunim em i kam na holim em. Strongpela hapbek ya i kirap gen na mekim wanpela strongpela takel long long Josh Stuart husat i pundaunim bal. Na skram i kamap na winga Craig Hancock i skoa na Manly i stap long rot gen bilong winim pilai.

Lyons gen i kisim ples long namel gen long pilaim ol narapela faivpela trai bilong Manly. Em stail bilong Lyons husat i pilai wantaim difens bilong ol Bears na daunim ol wansait.

Taim strong bilong em i kamap bikpela, em i kamap strong moa moa yet...Man bilong pilai laki i save pilai olsem nogat wanpela man bai stopim em olgeta.

Dispela em mas wanem samting Lyons i bin tingim taim em i kisim bal long skram na salim i go autsait long lain bilong Manly. Em i lukim olsem em i stap long sait bilong win taim em i pasim wanpela nogut pas i go long lek bilong Danny Moore.

Bikpela samting i narakain long dispela yia em ol rong ol i save mekim i liklik na nogat planti na tu i gat ol sampela samting i gutpela long helpim ol long winim primiasip bilong dispela yia.

"Dispela em long taim mi tok Ridgy o Cement putim daun pilai isi liklik na putim pawa long gem."

Na dispela em taim Toovey i balensim ol buk bilong strongim difens bilong Manly. Na planti taim em i save kamap olsem man bilong mekim ol strongpela takel.

Ol Norths i luk olsem ol bai skoa taim Lyons i tromoi bal i go na Matt Seers i redi long ron 10 mita.

Toovey i lukim olsem na i mekim wanpela liklik ron i go na ron takel dispela Matt Seers na em i lusim bal. Dispela i soim strong bilong Toovey.

Bihain long ol i holim bal inap 6-pela takel, ol Norths pilai i redi long skoa gen tasol difens bilong Manly i strong moa yet. Na wankain taim Lyons tu i wok long kamapim ol sans bilong skoa.

Bihain long dispela, i gat singaut i kam long Norths na Manly long givim em spes long pilai long tes pilai.

"Em i wanpela namba wan faiv-eit insait long pilai," Toovey i tok. "Em i gutpela man bilong pilaim baf tu na em bai stap long Australia tim bilong mi."

Na antap moa long pilai bilong Lyons egensim ol Norths, em i wok long pilai long wanpela lek tasol. Inap long Sande tasol em i tok olsem em bai pilai na dispela i gut-



.Cliff Lyons (lephan) na Geoff Toovey ... wokbung bilong tupela ken bringim Manly i go long winim gren final.

CHALK and CHEESE!

pela tru..

"Mi no bin save olsem em i gat bagarap," Mark Carroll i tok. "Em i no save mekim wanpela weits. Lyons i save pret na i no save mekim wanpela gutpela samting long redim em yet."

"Kaikai bilong em i no gutpela na em i save smok planti tumas olsem wanpela paip.

"Mi no save lusim wanpela ston i stap

nating. Na Cliff i narakain. Em i save kaikai hot sips wantaim tomato sos na smok pas-taim na bihain em i go autsait na pilai long fil. Na stail bilong em i narakain stret.

Olgeta samting i stap long toktok em hamas taim i stap yet long em na em bai mekim wanem samting sapos em i no pilai moa?

"Mi stap yet nau inap long neks yia na i luk olsem mi ken helpim long ol narapela yia

yet," Lyons i tok. "Bihain long dispela, husat bai save?

Long wankain taim, Toovey i save wanem samting em bai mekim bihain taim. Em i stap yet long hap rot bilong kamap wanpela chartered accountant.

Dispela em i wanpela hatpela samting long em tasol em i traim long mekim olgeta rot bai isi long em long stadi sait, wok sait na taim bilong pilai futbol. -RUGBY LAGUE WEEK

OL PES

bilang

FATTY

Lukluk long man husat i stap baksait long Kwinslen

PAUL VAUTIN husat i kolim em yet olsem wanpela 'legend' i tokim mipela long kisim wanpela tiket na bihainim lain. Taim bilong em i bin pas nogut tru long las wik taim ol Kwinslen i kilim ol Blues 3-0.

Na maski long wanem hatpela samting i kamap long long em, dispela hap bilong Australia i bin kisim filings bilong Fatty.

Vautin em wanpela man husat i gat kainkain pes. Olsem wanpela fani man long wanpela dei na hatpela man long narapela. Em i toktok long loyetti na tredisen long wanpela dei na rausim ol toktok bilong Kiwi kosa Graham Lowe long ol Neville Nobody long narapela.

Em bai apim nem bilong Maroon hapbek Adrian Lam olsem wanpela biknem sempion bihainim Phar Lap na rausim ol toktok bilong Laurie Spina olsem em i nogat sans long makim Kwinslen.

Vautin tu em i wanpela biknem lig pilaia tu. Wanpela strongpela lok fowat husat i karim ol Manly i go long 1987 gren fainel na makim Kwinslen wantaim Australia wantaim gutpela rekot.

Na long toktok bilong em long politiks long manly na bihain ino amamas wantaim ol East i lukim em i pinis long pilai.

Taim em i pinis long pilai futbol, Vautin i wok long mekim nem bilong em yet taim em i singsing wantaim ben ya MeatLoaf, wok wantaim Ray Martin long olpela Middy Show,

mekim Footy Show bilong Channel Nine, hetman bilong wanpela gutpela buk toktok long redio bilong Richard Stubbs... na ino longtaim i go pinis em dispela win bilong ol long State of Origin.

Long dispela na mipela i painim hatpela taim tru long toktok wantaim em taim RLW i ringim em.

Long dispela apinun em i go insait pinis long toktok long wanpela magasin bilong ol meri long Feveret toktok bilong em... "Fatty".

"Yupela bai i mas joinim baksait bilong lain," em i tok.

Mipela i mekim.. na mipela i stap yet long hia.

Tasol kirap bilong Fatman long go

antap tru em i stap long ai bilong planti ol lain husat i stap klostu long em.

Rory Callaghan wanpela sinia produsa bilong Footy Show husat i save wok wantaim ol kain lain olsem Fatty i save pilim nais tru.

"Televisen olsem wanpela samting bilong salim toktok bai kamapim kainkain samting tasol dispela i no wankain olsem Fatty na ol narapela mangi," Callaghan i tok.

"Mipela i save raitim ol script bilong Fatty tasol em i no save bihainim ol ...em i save kamapim ol samting nating long het bilong em.

Olsem planti husat i kamap bipo long em, Callaghan i lukim pinis tupela sait bilong Vautin wantaim na tok olsem i wankain olsem Chalk na Cheese.

"Paul Vautin i stap dispela mangi bilong sem long Bowen insait long Not Kwinslen husat i save tingting gut na mekim samting...na dispela Fatty, wanpela bikpela skin man husat i save mekim fani olgeta taim.

"Em i smart tu. Yu no nap putim wanpela samting antap long em long wanem em i ken smelim wanpela rat tu."

Origin Fulbek bilong Kwinslen Robbie O Davies i lainim gut tru long ol narapela sait bilong Vautin taim ol i wok long pilai long State of Origin.

"Televisen olsem wanpela samting bilong salim toktok bai kamapim kainkain samting tasol dispela i no wankain olsem Fatty na ol narapela mangi"

"Namba wan toktok em i mekim long mipela em olsem ol i baim em long mekim wok olsem wanpela profesinel pato na mipela i no stap long hap long lukim em olsem wanpela pato," O Davies i tok.

"Em i tokim mipela olsem bai mipela i lukim narapela sait bilong em long dispela 6-pela wik olsem wanpela kosa-na em i rait. Mi lukim inap samting long em na save olsem em i wanpela hatpela Paul Vautin na em i stap autsait long win."

Na nogat wanpela i winim em moa yet.

Kolumist bilong niuspepa Telegraph Mirror Piers Akerman Vautin i kolim em wanpela Fat Hip bilong Sh... long wan-

QUEENSLAND'S success in the State of Origin series was of the fairytale variety... unexpected and universally applauded. Two key elements of the Queensland triumph are treading very different success paths, as DANIEL LANE and DAVID PAGE report.



.Kwinslen i soim narakain stail stret na winim Nu Saut Wels 3-0. Dispela i soim olsem Kwinslen em i wanpela strongpela tim nau long dispela taim.

pela pres miting taim supa lig toktok i stap antap tru.

Lowe wanpela kosa husat i gat biknem long England, Nu Silan na Australia i sakim toktok bilong Vautin long seleksen bilong ol Maroons olsem wanpela rabis seleksen.

"Mi nogat taim long ol pipel husat i save kolim ol pilaia 'rabis' 'gat tupela het' na Neville Nobodi" Lowe i tok long dispela taim.

Jack Gibson wanpela man husat i save pait egensim Vautin bipo i tokaut long Vautin olsem wanpela man husat i gat bikpela maus na het bilong em i save wok olgeta taim.

Western Reds fowat Mark Geyer i tingim tu namba wan taim em i kisim maus bilong Vautin.

"Long 1991, mi bin stap long wanpela kros long namba tu State of Origin pilai long Sidni na mi mekim wanpela toktok long givim stori bilong mi," Geyer i tok.

"Mi stap long wanpela laip TV na long yau bilong mi, mi ken harim Fatty i mekim ol kain toktok olsem mi longlong na nogat wanpela man i ken kontrolim mi...tasol taim i kam long askim ol kwesten, em i nogat wanpela askim olgeta.

"Mi no bin amamas na mi laik toktok wantaim em. Em i stap yet? Em i gat wanem samting long toktok?"

"Tasol ol narapela samting, mi save olsem Fatty em i wanpela fani man tru. Bai yu lukim olsem em wanpela man bilong kros tasol long fani bilong em tasol i save mekim em i kamap wanpela

namba wan man tru.

"Mi stap long TV show bilong em sampela taim na em i gutpela man tru. Mipela i save kisim long 1 klok long moning long Perth tasol mi save stap na lukim yet logn wanem em i wanpela gutpela show tru."

Mike Colman man husat i raitim dispela buk Fatty-The Strife and times of Paul Vautin i tok sapos wanpela man i gat kain pasin olsem Paul Vautin...kainkain samting bai kamap long em.

"Long sampela ol lain husat i laik go antap, ol i mas kainkain pasin," Em i tok. "Na Fatty em i narakain tru...tasol dispela i nonap kamap nating.

Colman i save tingting bihain long tripela yia em i ratim dispela buk Vautin i senis tu o nogat. Em i mekim wanpela telipon kol tasol long State of Origin pilai long kisim olgeta samting stret.

"Mi ansaim telipon na em i tok: "Mike Gibson hia? Paul Vautin supa kosa i stap?" "Em i stap wantaim Kwinslen tim long trening na em i laikim mi long feksim stori long em."

"Mipela i toktok longpela taim tru na taim mi askim em long feks namba, mi harim olsem em i presim wara long toilet. Em bin sindaun long toilet taim mitupela i bin toktok...na em i no senis yet.

"Mi ken tingim em i stap long kem na olgeta dispela samting bai kam bek long em. Dispela fani bilong toilet na ol narapela samting...em i no nap lusim wanpela samting long las taim em i stap long hia."

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.